


散原精舍詩

四

PL  
2743  
.S3  
v.4





JUN 11 1961

UNIVERSITY OF TORONTO


Digitized by the Internet Archive  
in 2009 with funding from  
Ontario Council of University Libraries





JUN 1 / 2001

散原精舍詩續集卷下



立

過籬園舊居

當門老樹對鴉窠人海生還忍淚過百甕鹽齏留故事十年  
鐙火了微哦據亭擘蟹賓僚盡蹲石看魚魴魴呵家國

忽忽同傳舍

亂後此宅  
易爲旅店

不煩殘夢續南柯

過汪甘卿逆旅

飛飛來去同鵝雁點海穿江下一呼風惡豈容矜爪觜日  
斜猶自撫頭顱六州錯鑄今安問七聖途迷事不誣仍對  
銜觴橫笛地流啼還有後棲鳥



胡琴初李子申汪甘卿見訪

窮巷初停油壁車  
商歌能識老夫家  
紛傳道術九流在  
暝合溪山一笑譁  
憑撫舊聞增野史  
更驚秀句散天葩

胡李各出

新篇相示

看雲自許非人世  
魏晉都忘聽煮茶

節庵自梁格莊賦一絕寫扇見寄把筆戲酬

歸摩檐底燕巢新  
憶汝邊頭種樹人  
飯顆詩心題一扇  
留

垂苗裔泣孤臣

君押記爲孤臣二字

喜雨

江南存子遺凶災  
又先覩蘊孽滋蝗蝻  
旦暮生翅股吏民  
困捕治爬剔艸根  
土戢戢勢已高  
人力寧盡取我還  
迎旱



氣負手過場圃婦子糠粃腸殷憂死無所日飛愁歎聲恍  
接至精主一片鍾山雲釀作夜來雨稼苗回焦卷蘇息到  
編戶破曉兼雷風翻盆射萬弩益藉蕩洗功殺蟲如殺虎

莫問漏屋中豎儒仰天語

敝廬穿漏雨過  
坐臥處皆濡溼

苦雨

一雨初除蝗如麻勢益豪霾霄亂銀箭昏旦聽蕭騷空廬  
失葺補牆溜看滔滔散帙污漬痕几案生波濤臥階蚯蚓  
出伴楊蝦蟇號寤寐防圯壓顧步移兒曹登樓望山川巨  
浸圍周遭園蔬沒行次狹巷容浮舸旱潦互循環得命爭  
秋毫癡念后土乾哀樂亦已勞長陰暗南紀寒吹棲霜毛



蒼然木葉下何處歸鴻高

雨霽登樓看日出

三日愁霖令人老破屋漏牀成絕倒  
昨宵飄瓦點滴稀臥擁涼衾測蒼昊  
夢迴睡眼乍開闔光氣微騰窗榻曉火急  
曳履躋樓頭果吐鍾山日杲杲園林四照  
烏鵲呼旌旗千里氛霾掃俯窺溪漲縮泥  
痕坐待炊煙縈木杪菜傭漁婦稍稍出步  
船陵樹看看好自笑流亡得一歸復關晴  
雨亂懷抱

雨後觀觚庵園亭

陰陰溪上宅雲氣結樓臺齧石量新漲  
沈山有斷雷老懷



雙鳥寂暝色萬鴉來亭角留荒徑誰求檜樹栽

詠巢燕

久雨妨歸客廬穿簾未乾巡檐仰巢燕媿汝補泥完戰地  
曾經入歌梁恐誤看將雛娛旦暮共影傍闌干

觚庵南下信宿舊廬遂之滬入浙頃倦游重過取下關還  
都敘別一首

拂去緇塵向江海買船更看富春山可憐寸抱關飢飽未  
死閒情自往還國事何堪言大計溪光餘此對衰顏明年  
花發園兒女入夢尋余學閉關  
幼雲歸覲九江故里重過金陵赴青島賦此贈別



居傍匡廬飲石泉道原投笏拜屯田古今相望持高節顏  
色重看倚暮蟬破碎山河微雨過迷離歲月醉吟傳少人  
多虎哀工部從識遼東木榻穿

莫愁湖幼雲瘦唐同游

霽色爛郊徑車影初穿梭亂後湖上樓新構靚嵬峩暖煙  
曳紅翠滿眼萬柄荷光氣曖神霄風香迎寐多遙岫作凹  
凸蘚亭明一螺朱欄依茗坐縹緲采菱歌打槳換兒女流  
人鬢亦皤殘陽掠鷗鷺想像啼靈娥

夜坐

壑塗完漏屋餘滴尙分明綴樹星初見籠溪月未生垣衣



寒蚓穴吟案接蛙聲昨夜圍鐙語依稀學劍成

謂幼雲瘦唐留一宿

而去

別墅閒居寄懷陳仁先李道士

言返鍾山居  
斲榻依溪岸  
掠眸烏鵲翻  
攪寐鼃黽亂  
衆卉稍出屋  
山光接仍斷  
一瓢謝世人  
孤寄比流竄  
雨窗眷二士  
作鄰窮海畔  
燐燐照騷魂  
杯茗過昏旦  
歌泣中有物  
惡知人代換  
極天懸寸恨  
風雷不能散  
月下橫濱橋  
各供反覆看  
此生尋夢中  
步步成淒惋  
離憂併吟魔  
陰晴聊把玩  
善餘侵晨相  
過值酣臥爲  
門者所拒戲  
作此詒之睡  
起親盥施初  
知與客左不  
報呵當關含  
情嗒然坐端  
責

詩通來亦幸避嫁禍別子又一歲何術飽餅麩念脫劫殺  
地流轉反過我倔強江海間爲儒冷秦火昏壁抄細字叢  
殘守蹇跛寄食圖書館相望蔽塵堞一啄隨蝗螟吾曹眞  
瑣瑣袖稿就絮語微笑贖頑惰

劍泉過話

草冠羅袂映酡顏自說園居日日閒銷夏錄成溪水上肯  
逃妻子看鍾山

步門前菜圃看晚食於露地者

麥屑香浮野菊根分羹擎鉢倚籬門爲言亂後頭條巷淘  
米人家一二存



牆根

牆根婢媼手鎌鋤除草移花過雨初臥地葡萄扶上竹五

年博得坐憐渠

辛亥秋避亂上  
今始還歷五年矣

瘦唐過示紀游近句

兩三零客出荒城割取湖山句句成萬古殘陽鳴咽處猶

從紙上聽蟬聲

金陵園蔬獨莧苗脆美每飯必設占示海客

海上詞流半酒狂招攜慣嘯萬蹄旁江南歸晚鱗魚盡酸

淚今澆野莧腸

次韵答和沈友卿見贈

昔月精舍詩集卷二  
隔歲綢繆溪上飲園舟巖壑夜飛光一襟白媚沈兵氣四  
海安之識酒狂經世文章誰復問照懷皇古有孤翔老依  
鍾阜留瓜地遲子煎茶話夕陽

五月二十九日子申酒集胡園分韵得德字

環廬煙樹迷微晴有佳色好事挾李侯作社侑酒食名園  
樊夙尙水石留胸臆依徑繞亭榭相看長荆棘齊葉滿池  
荷承日淨如拭裊裊新燕浮漠漠游條匿揮扇坐虛堂嬉  
弄汚紙墨裙屐蝨老醜枯腸漏漚沔低散蒼蠅聲几案接  
喘息興亡不關人狂癡欲成德風光借一醉柳影向深黑  
酸骨託奔輪夜城忘南北



高宗純皇帝御題靜中有真得五字筆法尤類董書爲黃  
峙青同年藏謹題一絕  
龍章鳳彩五雲翔今日傳觀涕數行雄跨八荒全盛日多  
能不薄董其昌

夕眺

山郭南風滿溪亭北斗依亂螢翻木末殘雁脫煙圍饑饉  
憂方大支離道已肥疎疎漁火岸潮靜一船歸

寄胡梓方京師

歐心章句繁喧絕劍鋌百焯洪鑪鐵散爲光怪薄空虛自  
俯盆水掇新月策勳儒林莫問渠馱醉今鞭失脚驢長安

穰穰盛車騎夢過淨地一詩廬

梓方自名其  
居曰詩廬

侯府街張氏園六朝二枯樹歌贈劉樸生居士

金陵古松留一株北極閣下臺城隅當年置酒迭吟賞微

惜雷火燒枝枯籍籍東園兩枯樹婆婆曾洗南朝露深鎖

莓苔不及窺思人但誦曲江句

張文襄有哀園主  
詩并及二枯

殺機俄

頃起龍蛇士夫流竄半無家城中鎡貨毀蕩盡獨餘喬木

仍藏鴉我還訪舊兵戈後悄踏斜陽對立久冥穿瘦幹石

骨奇曲偃叢柯煙液厚交氣同羣儼弟兄千齡哭盡杜鵑

聲岐幽空聞歸二老縣蕞何由屈兩生劉卿乞得趺坐處

觀心爲證無所住殘黎猶待哺匙糜莫依雙樹成佛去

生樸



由淮徐振鰈還遂  
客居是園究佛典

集琴初寓宅送子申往津沽分韵得今字

火雲蔽郭炎埃侵蒸汗燦體親炮燂觸熱襍襍復見今笑  
奪墨瀋翻甘霖主人宴寢德愔愔列階樹石交藤陰迎涼  
脫卻頭上簪窅然四坐飛斷吟下覬九幽攀千尋崩騰靈  
怪奏爨琴咀嚙兀面瓦雀臨招擢肝腎忍不禁酒半李侯  
聒分襟孤懸細腰淹沾潯風中旛蠹搖歸心噫侯器幹視  
國琛妙藝包纏篆刻淫縞帶雅步價璆琳往丁大盜屠羽  
林濺血都市成摸金桎囚脫死啼瘡禽奔走皮骨結舌瘡  
落南乞漿膏釜驚抑項作計侔挫鍼駟儉豎子雜浮沈勝

日圍詠濁醪斟响濡故侶薦野苓起吐塊壘高嵩岑門前  
休俯淚河深且臥鋒車出嶇嶇路呻聽作韶濩音海氣腥  
燥護一衾渴吻終幸遺林檎

暑夜納涼有憶

萬仞明河有涸鱗霏煙疑是海揚塵遙憐月下亭亭影樓  
角池頭飲泣人

公約攜稚子晚過

宛宛嬌雛挽袂過防餐月色餉頻婆而翁不解言湯武分  
我蟬聲和獨哦

若海持子申畫松屬題



鬻技療飢李道士畫松自許有僧氣我觀此幅偉丈夫龍  
虎蟠拏海鶴寄吐腹槎枒狀窈冥天荒地變獨青青癡兒  
不識撐霄漢祇待扶衰斲茯苓

訪瘦唐伯沆圖書館偕登掃葉樓看雨

藤蘿縵堞交谷風疾車碾石聲隆隆斜陽挂樹映崇館入  
瞻縹架樓廊通窟宅兇魔恣反覆撥燼留此瑯嬛宮王生  
雅尙希柱下洗讀書眼穿羣蒙吾鄉繼往愍御史綴緝獻  
典從寫工儒墨顯晦彼有命欲移十手垂無窮罷茗披衣  
蟬噪裏偕踏微徑摩幽叢勇躡百級上傑閣雲天杳杳橫  
孤鴻漲湖散氣芰荷綠衆壑撼坐煙嵐紅雷聲回望半城

雨晴光劃野爭雌雄盪摩帆楫裏金碧下飲江水輝雙虹  
燭照須眉狎奇景吟思已滿天南東老僧觸熱去不返飯  
蘿臥砌經牀空伶俜弔影二三子輕世肆志將毋同

溪亭月上

浮浮枝上月映水接微溫艸氣迎人醉溪風爲我喧百憂  
螢觸寐六代燕無痕亭角尋居士分涼苦竹根

雨過復晴睡起作

匡牀倒枕晝蟲蟲驟雨奔霆落夢中驚散神官哦六字晴  
鳩初喚蔣山東

晝榻偶詠



瓜架颺絲風綠雲噓几炷繩牀伸腳人欹聽蟬吟度千山  
壓沈沈立壁閒雙屨合眼魂飛揚宙合非我故孤注酣搏  
蒲供帳倚欄具孰非大盜積衆狙汝喜怒摩挲腹中書今  
昨互迷悞蕉氣漏牖榻抱涼涌孤趣

金陵紙賈王翁賽日本得獎券徵題其券尾

割脂春月發奇光濤井千年漫較量價重教知玄武庫亦  
如石袂挂扶桑

鑑園小集看雨呈主人分韻得秋字

淚眼懸鑑園十載依釣游幾櫻喋血戰烽燼昏林邱主客  
各奔避盜窟成掉頭羈海遂存活隔世迷唱酬運極溟波

翻寧颺驅鷁鷺飛認舊巢痕我還汝亦留強顏領風光坐  
臥餘一樓燕徑自鋤理竹樹環修修摩挲新吐月哦入鳴  
蟬幽閒暇還殘侶賓僚兼應劉稍稍聚酒食雜以商聲謳  
道暑快勝地復覩圍冰甌慘澹干戈後夢廁文彥儔晚雨  
散垂楊已搖溪上秋雷音盪吟趣休飄歌吹愁二客惜不  
與

子申往天津瘦  
唐病皆未至

錦囊睨爭投雲光燭解襪天物初怒流

擺落舜禹事此心盟白鷗

爲琴初題子申畫雙松

張園有雙栝柯葉貌古松李侯誤掃出寫松如寫龍我昨  
披襟立其下捍格蒼穹真健者千春靈魅得相過一代淫



威誰敢緒騰騰王氣散爲煙赦挽萬牛支大廈

甘卿邀酌水榭罷飲泛棹青溪步復成橋玩月琴初鑑泉

同游

酒顏迎月白溪痕曖曖樓欄嫋嫋魂複岸一涼梳柳影閒

情雙槳問桃根低昂鐙火零歌接斷割風光禿鬢存橋畔

歛歛聽水地空尋釣石篆窪罇

罇 踰泉復成橋至西方寺側有

余昔年輒逢月夜挾朋輩駐聽忘  
返今漲盛開閉石亦沒水中矣

六月十七日盲風晦雨枯坐作

宵游橫大月倦枕尙偷看破寐風搖雨晨光與控搏鍛翎

啼更亂脫葉氣吹寒掩卷沈沈坐端倪養肺肝

沈小嵐同年宅集分詠二首

洗桐

窈窕出重椽娟娟玉露鮮脫葉風微起橫枝月自前  
轆轤綆挽纖纖指灑空涼瀉銀河水佳人心許中琴瑟  
恩波欲媚鳳凰子君不見霰雪所激光精凋倒挂影乾  
半生死

劈荔

千株纍纍頰蚪卵摘歸光疊琉璃盃姑射神人凝雪肌  
誰撥雲霧出蓬館挽袖虛堂風颯然吳剛斧破壺中天  
海南憶啖三百顆旁笑流涎飽老拳

鑑園酒坐送瘦唐侍御還里



懸夢浴溪風迭依鑑園柳百株割一涼况逢新雨後樓居  
仰禿翁背人歌哭久招攜藹詩流忘言相與友循廊面鍾  
山石氣漱肝腑一水聚蘭橈哀絲切吟牖波外羣鳧雛煙  
際翻鷗舅列坐勸離觴客如霄移斗七尺骯髒軀兀對心  
語口直聲不祥物救亡古未有諫草滿血痕成就中風走  
歸帆拂香鑪爲我覓丹白夙昔所識猿猶挂藤枝否興盡  
落東湖應及折碧藕隱几萬靈泣安排柳生肘更使父老  
知江南付釣叟

哭于晦若侍郎三首

絮語市樓杯終古死別地我把青溪釣君拾千墩翠

余自  
滬還

金陵君亦旋  
移居崑山

彈指兩月耳  
告凶魂魄碎  
堂堂千載人  
飄蓬

畢身世

君居崑山病危夜載小舟往滬嚮晨泊岸卒於舟中

自深幽憂疾藥物孰宜

忌餘生視綴疣天果速其斃  
海岸風肅然白日導精魅撒  
手有不忘夜雨聯牀弟

國家昔改制爭尸憲政名君時  
使瀛寰洞視乖背情移疏  
列利害剖抉蘇狂醒秉鈞卒不悟  
矯厲掩精誠戲具殉一  
擲四海沸飛蟲乘敝發羣盜大命隨  
之傾迫櫻崩坼痛擔  
簦埃河清泗鼎魯陽戈寤寐相逢迎  
置身夷惠間微言表  
儒生誰何助張目今益涕縱橫

君奮大匠門

君爲東塾陳先生弟子

術業夙稱舉甄錄抗深甯網羅



擅貴與艸檄上相幕翩翩鄒枚伍立朝見迂闊正色氣如  
虎國破屢狼狽終依黃歇浦海隅聚流人過逢互摩撫攤  
錢耽醪飲哀樂倒肺腑尋常挾孤憤滑稽評今古旁嘖愈  
斌媚擺落世上語同車幾何日忍憶墜傷股微命懸殘運  
孰能知死所待扶現在身一拂齧棺鼠

初秋寫興

雲陰吸殘暑蕩漾溪水秋新涼媚園廬咽入蟬蛭幽階前  
花葉滿團團玉露浮蝶飛日氣薄光影籠層樓坐吟改節  
序散帙開我愁近古陳死人蹠躩迎兩眸衣冠半相識亦  
知有漢不悠然舉觴盡山光依白頭

偕儒人於晨光熹微中看庭前初開牽牛花

初滿庭前風露香手扶長蔓浴新涼絲絲雙夢憑牽挂重  
到江南伴曉妝

七夕步溪上

槐煙竹露夜熒熒掩映銀河度萬螢耳語沙隄諸女伴似  
疑天上有雙星

和東坡詠雪浪石

石存正定往歲有人移饋端忠敏  
會遷去遂爲居金陵人劉姓所得

坡公屢詠雪浪石狀寫筆勢交崩奔奇質異態雖未覩但  
喜曾落天驕魂當時戰法襲古制或備取給非虛言世變  
鐵石久代嬗等爲玩具誇留存况今海國爭喋血飛車潛



艇難勝原區區我仍卻強敵守禦甯患羣雄吞獨怪公寶  
仇池供九華坐失增煩冤胡不挾此詣西夏功收一礮尤  
喧喧辱公摩挲又千載瓌物空遺吟詠痕近傳歸然蹲正  
定有饋權貴移白門歲時遭遇持節去棄置今歸劉氏園  
好奇宜下米顛拜摹似兼欲倪迂捫會瞥積氣補霄漢箕  
斗下燭雲濤翻咫尺尋訪副公願預設誕語焉足論

雨窗漫賦

晴埃蔽郊郭稍稍揚炎威雷音送一雨淅瀝庭樹滋燕去  
蝦蟇瘖始覺秋蟲悲窗影列巒岫涼翠親我肌倚几視故  
紙好事傳其辭恐此便相累自笑亦同之世積取精多百

學縈寤思小成綴榮華甘與草木萎腹中記名氏徒苦後  
生爲吾言匪矯飾看雲浮一卮

枕上聽蟋蟀

雨歇窗櫺漏月明涼痕滿屋夜淒清啼秋蟋蟀重圍合換  
去承平是此聲

倉園酒集喜子申自天津至夷叔自上海至

溪濱拓倉園樹石稍爛斑有池有橋亭圃蔬連榛菅主人  
按歌地風日幽且閒縹緲出水榭左顧捫鍾山漪靄盪昏  
晨去槳迷白鷗吟朋託高會坐對頽陽殷笑語散涼颼綽  
約迎雲鬢二客海南北拭眼爲我還各殘蛟蜃氣飄漾尊



組間萬方愈多事納腹飽憂患爲歡取偷生休問觸與蠻  
波上寫初月餘輝已在顏起攜醉墨去螢點難追攀

雨坐遣懷

漆雲絲雨暗溪樓蟲語虛堂已自秋延架藤蘿新翠活翻  
階花藥亂紅愁爭傳獻賦趨金馬何事驅車滯土牛哀樂  
關人無是處閉門吾向濁醪求

步郊外山腳

衰鬢迎殘照聽蟲廢壘間葦根埋碎彈人氣冷秋山野哭  
孤雲駐鐘聲一杖還尋僧來往徑誰及半山閒

七月十五夜觚庵水閣玩月

蕭蕭溪上月吐夜作秋光艸樹初深靜樓欄出混茫蟲聲  
低入坐魚沫細吹涼何處翻歸翼風霄引恨長

觚菴將南  
還未至故

有末  
句

### 消息

消息迷蒼狗雕龍稷下儒安知從左袒爭覩效前驅刺謬  
三家說依稀兩觀誅狙公幾朝暮面壁捋髭鬚

### 秋夕

窅窅孤鴻逝幽幽絡緯吟飄愁千萬里舒卷海雲深苦月  
移酣戰佳期掬此心何因除桂蠹樓館結層陰

### 夜坐



殘聲驅不去吠犬與鳴蟲破榻華胥影深窗木葉風一涼  
回俊味萬感有新功鐙火催頭白誰堪涕笑同

若海甘卿自滬至招集鑑園

惡聲翻海氣手挽載俱來爲挂啼鴉樹還銜綠蠹杯竹樓  
臨暮雨藻詠命騷才玉貌今猶昔溪風拂坐哀

下關訪李子申偕游三宿厓晚飲市樓

怪事蟠胸中騁車攬郊郭一椽雉堞底晴煙棲漠漠居然  
老畫師長几丹鉛錯納收千萬恨噴紙門蛟鰐對影大江  
前濤聲滿高閣咫尺三宿厓穿寺散腰腳冷泉洩穹石盤  
踞一邱壑題名愈磨滅屐齒久寂寞攀藤躋危亭鬼魅欲

青房精舍詩集卷一  
一五  
纏縛下趨蔽臺廊毀裂同漏鑊歲時嘯飲地悲魂接綽約  
殘僧識殘客指點涕俱落挽攜就市樓鐙火倚壺酌各挾  
偕亡心偷取須臾樂肥臠截硬餅風味誇京洛小鬟但依  
人按歌罷十索

絜漪園觀桂花沈友卿吳仲言置酒

蜂游胡蝶翻秋光遽如許重過舊園池飄香何處所離立  
百株桂玉蕊間金縷燦爛籠衣裾吹噓醉肝腑當年想掀  
髯翛然風光主客死等國殤蟬底魂來語老梅紫牡丹應  
栽泉下土祇餘搖月枝靳假吳剛斧賃廡起吟人展眺觴  
復舉俯仰意有得移世供酸楚無人花滿地待尋吾與汝



爲仁先題錢南園畫瘦馬

吾聞舉肥工相馬  
豢養紛紛列仗下  
亦有前逐八駿蹄  
爲人效死汗流赭  
駑駘權奇浪等差  
留博讀畫眩摹寫  
南園老人變幹法  
碑兀飢羸誰似者  
世兒莫指病乘黃  
天私眞骨棄原野  
尙誇地用淚如瀉

庸庵尙書主逸社分詠龍樹寺古槐

我逃逸社居青溪  
雨淫日炙面目黧  
桂枝生秋訪吟伴  
海色黯黯留幽栖  
主人躑躅花葉底  
置酒宴寢偕攀躋  
慟彼殷墟瞬易代  
疏列往蹟煩追題  
紙堆暗記各拈出  
古槐匿寺如探驪  
自別京師三十載  
江湖落魄天無梯  
當年計偕

龍虎氣但喜醜怪出角圭爾來銅駝竄荆  
瓦齊儒酸那識龍虎氣但喜醜怪出角圭爾來銅駝竄荆  
棘承平故事過者迷蠻韓楚製聚樹下定驚蒼鼠翔鷄雞  
何當輦轂掃魑魅夢魂畫壁來杖藜

詠玉胎羹十六韻

庸庵尙書社集有鼎烹掇晚香玉雜竹孫爲羹香味雋  
絕余向以竹孫名不類易稱竹胎爰命名曰玉胎羹坐  
客頗副其說各爲詩張之

尙書趣益高鼎味登新樣花瓣萼竹萌香色儼醇釀仙傳  
餐玉法巧試無多讓豔奪女郎妝清挹君子量馨逸土膏



全沆瀣天倪養落英合二美回甘快一餉瓊糜儻其亞  
鼎飯恐相妨苗疑藍田種筐肯湘妃貺點匙忌萍蘆堆  
校屏菂醬靈液輸浸淫研光浮蕩漾蕨晒小兒拳酒換  
渴羌臙不數山預湯欲接春菜唱拂衣落江海差謝啗  
墓謗澆胸渣滓淨遺世神俱王同功三危露飲和惡能  
忘玉糝壓南烹創獲公與抗

仁先自滬濱來視和其車行看落日之作

盛秋一爲海上游逢君店作閉關臥夜挽黃冠踏板橋

李謂

道士

小樓鐙火親藥銼離懷苦語傾倒極終羨文休躬馬磨

引歸窮巷環溪流向壁伊吾老蟲和花笑秋光滿階闥強

起突兀肯來過車中得句出袖底低抑元猿聞幾箇金焦  
亙古插斜陽悽入精魂與揚簸於我眼前往還路塔尖曾  
記月半破孰云傷心畫不成宛拾劫灰散吟座侵夜山風  
憂杉桂搜攬怪啼奏楚些且憑酒碗送今昔莫占天步自  
摧挫帛圖丹石已紛紛世外胡牀容措大

重九日逸社諸公於哈同園登高發詠九言屬遙和一篇  
煩冤律兀伏處無與娛坐玩溪光山影相縈紆鴉鳴鵲噪  
暖聚風日處而我拒戶獨酌掀髯須回首故儕招邀作重  
九令辰媿負塵隔挈榼俱哈同之園勝絕冠海甸甃池虹  
棟怪麗塗金朱况其桂蕊千株叢菊映依依奇冠雅步翔



魁儒登樓逢迎秋風一萬里蓬萊方丈綽約雲氣麤赫然  
雌蜺連蜺犯日馭妖狐山鬼叫嘯爲朋徒仰天嘆喑所託  
更何世且保旦暮對酒留殘軀一時哀歌狂囓動閭闔莫  
問飄鷺斷雁啼江湖

雨中別臨川李博孫往當塗田舍取逋租

博孫身懸黃浦市刀圭糊口牛醫比有田供祭當塗間販  
糶失期負倍蓰往索乘船下視我三日秋霖如潑水却餘  
坐憶釣游處燒鐙搖愁對綠螳爲言取途出板橋旅舍昔  
傳三孃子閉房畫地播麥粒秀苗嘉實穫彈指侵晨餅餌  
餉過客客盡化驢帖兩耳或鬻作騎或牽磨可憐富媼喧

閩里君今尋問兵戈後愈有怪誕耀稗史多生一飽示輪迴已贊其說爲可喜

吳補松同年之室花夫人七十生日家嗣綢齋編脩爲徵雙壽詩補松年蓋六十有八

辟地翔海壖過逢盡耆耄觥觥補松翁吟靡社中友所蓄非世儒光怪唾霄斗淵居翹勝情鍊魄攜仙偶翁始困諸生曾倚劬井臼翁旣歷仕宦相映琢瓊玖名業勵特立述作贊不朽廣譽歸賓婚美意安僮叟義方起彌縫功亦補天手有兒揚清芬孫曾芝蘭藪翁擅一家樂笑猶對健婦賃廡和五噫晚節播人口萬方燐燧垂自擁元氣厚偕臧



斟酥醪聲爛風化首

久雨放晴訪劍泉鑑園

殘秋纏積雨莽莽晦城闕壓瓦雲萬重埋我天邊月局促  
憊坐起况掃游觀迹今晨簷滴乾霽景帶飛翮喚車轉荒  
巷一撼獨嘯客仍飄憑欄語誰謂不暖席

君方由  
滬居還

牆根發

芙蓉散暈垂楊列矮菊困未花叢藟初含雪羣山出浴馬  
新濯毛骨潔溪漲龜魚浮齧岸吞釣石船妹按歌聲併入  
笳角咽去來生命微託世果何獲吾曹飽老眼亂亡事如  
髮地軸折且翻狡兔詎有窟滔天乘應龍噴沫玄黃窄山  
鬼懾其威含睇互媚悅鬱胸吐奇芒斫影比斧鉞恂恍巫

陽下吟紙眩碧血肯哀兩禿翁晚照坐超越

晴步觚庵園海棠七八株獨發一花異而詠之

脫葉髡枝吐一花卻愁么鵲啄丹砂秋風嫋嫋春光動迎  
眼妖姬入帝家

得長沙友人書答所感

名留傾國與傾城奇服安車視重輕已費三年哀此老向  
誇泉水在山清

漚尹病山相攜游天目寄訊此詩

酒坐逢白翁倦游自天目爲數巖壑奇蔽虧古代木十圍  
高百尋射天齊箭鏃餘陰拓靈境泱泱元氣綠盡探鴻荒



世筇杖畢生獨過滬詫二子裹糧果舉足勇決吾不如寸  
夢併幽躅已遯日月外應共鬼魅宿矧當秋霜飛紅葉徧  
照燭魂精滿梯磴捫焰燒懸瀑側穿洞戶迷怪藤接蒼竹  
蝮蛇口如盆褰衣避騰逐久慙生不辰欠從葬其腹咫尺  
通徑山坡公屢游囑儻踵尋舊塔有僧話西蜀待詒紀勝  
篇圖經所未錄

謝琴初惠湖蟹

索居無復持螯興况對荒城雨滿天初折晴枝釀秋味更  
分餘味五湖船

道士高名百蟹傳

李道士往官金陵嘗食蟹百枚時呼爲李百蟹

只疑白下蟹如

龍鳳精舍詩集卷下  
錢欲看涎滴胡侯坐風味參差話昔年

溪上晚步攜觚庵家二稚子

槁梧噤不語抱恨踏殘陽稚子爭牽挽閒情自聖狂畦蔬  
洗寒綠川漲映深黃知接毗盧寺鐘聲起雁行

初度日寫憤示親朋

降生父老寵龍媒六十三年博一哀自信眼穿償一死扶  
輿初燼未成灰

老返蘧廬宿業成和余落葉一聲聲皇穹許作吟蟲伴那  
得糟醕託後生

有贈



日暖塵高縱轡馳過江猶識舊須眉可憐共命哀章匱不  
及齊名賣餅兒

登雞鳴寺豁蒙樓

巾車拂霜氣漠漠道旁柳曳喘升陂陀一樓佛龕右叢株  
葉半黃搖光冷軒牖袖底湖如鏡萍藻呵微垢鍾阜茗几  
前斑斕對鼎占迤邐遙岫圍嵐霏鴉背厚初親天物浮玄  
籟落吾手當年抱冰翁游詠屢矯首遐情拓勝蹟憂樂納  
杯酒世易人民非魂魄猶戀否孤客誰與語來聽風怒吼  
靈襟蕩碧虛俯視猩麕走欬竦何肺腸軻政伏腋肘

始聞  
駐滬

鎮守使被  
狙擊死

伺隙爭掊之射影况在後聊及日腳垂人氣養

韻原精舍詩集卷下  
二十一  
巖藪疎鐘穿暝煙攢眉憑檻久

攜家人雜姻家稚子循溪穿大通橋出西華門晚眺

岸柳畦菰幾得霜擁隨婦孺破川光照人瘦蝶都成畫引  
子歸鴉伴作行初接遺墟散樵牧猶留殘照認宮牆城頭  
橋畔車聲斷莫爲閒游弔戰場

游舊勸業場公園

煩煎不可支孤游縱所適掠眼圍獵場棄車依倦翮往者  
競秋賽市屋塗金碧五都列鎡貨殊裔走幣帛遨嬉仕女  
喧爭寧賈胡積歌吹翔舞衣萬鐙籠霄赫俯仰喪亂外覆  
棋已無迹馳道長榛蕪敗礫半充斥花塢犂爲田方塘虛



釣鯽旁睨蓬髮婦曳柴翳戶隙舉足處處迷死氣沈窀穸  
祇餘一片月四浸葦蘆白過記張飲廬歲時聯主客飼虎  
盤中肉飛吟落雞柵輩流幾存亡纏哀髑髏擲汝逐國運  
盡誰念種桃核衰頽更奚託自撫乾坤窄悲風響枯枝殘  
水踏狼藉隱隱鴻雁字荒荒狐兔宅留味入夢魂興盡別  
有獲

戲某客

朱門歷抵賸窮愁學宦談兵百不售衢路殺人今有例好  
從地下覓封侯

讀史偶書

蠻夷大長自稱戈行樂餘年詎有他多事陸生通一語始  
疑帝號竊臣佗

次韵酬劍丞過漚上舊居寄懷

門前青松枝縛作掃塵帚塵入溪水流蜂蝶滿晴牖廢書  
屬有念一几古無偶開闔見憶篇幻影疊邱阜故椽殘紙  
堆罪言中八九臥疾十日雨子爲裹飯友作癡認巢痕身  
亦栖栖久

樓望有感

江光上捲海雲麤弄影浮鴉看欲無金碧樓臺隔疎雨琴  
心鈴語共模糊



同李曉墩登北極閣

換寐獨游豁蒙樓隔峰欠躋北極閣曉墩晴過發吾意並  
驅疾指蒼山腳斗絕石磴益盤拏頓覺衰遲筋力弱嶺半  
回頭夕陽在萬屋炊煙青漠漠城笳野吹爭低昂作陣寒  
鴉投踴躍徐盡餘級款道院垣壁穿漏凋丹堊羽士告受  
六十彈疾雷破山事如昨往者戈戟照長髯強移使節專  
一壑天塹竟絕援蚍蜉下睨烽火燒江郭於今徼卒據匡  
牀過想橫肱涕欲落殿旁層塔尙孤聳晚帶湖嶼氣參錯  
霜風破肉不可留對擲零愁盪寥廓

挽程雒庵京卿

木腸山骨並嶙峋行藥誅茅孰結鄰  
漉酒巾餘支運會弄毫窗不到埃塵  
尋盟白社心源合往事青溪耳語親  
春冷江城逢一醉重過忍數義熙人

晴步駐防城循故宮閒眺

沈陰翳旬朝霰雪初未成留葉凝餘暉  
庭宇靄新晴散我紆鬱懷安步出高城  
頽垣互映帶瓦甍縱復橫荒荒牛驢  
迹中踏砥道平虛空撲暖翠巖壑見虧  
盈故宮獲斷甃漣漪寫淒清歷數驗反  
覆血石起深情鮮飆送悲笳依稀殿  
南征孰據指畫地睥睨召邊兵妖氛久  
低昂偷娛腰腳輕天鑒伶俜影四顧莽  
榛荆迷途微有悟數點歸鴉聲



丁默存中丞同年乞題所藏四卷子

傅霜紅徵君遺墨

匿海同雞栖正爾六州沸過詒霜紅集伏誦已忘世當時  
採摺儔頗起縻旌幣自詭別貳臣抵掌用才地彼此一是  
非徒墮平生淚易瞬間周鼎青史焉置喙從來飢驅人狼  
狽占進退中丞不輕出幅示徵君製此事形鐵腸復愛兼  
嫵媚抱蜀接馨欬游方遂無對晨星耿霜天視公映先輩  
張力臣處士符山堂圖

黃冠

清道人

興到語于

晦

若

鄭

太夷

踵聚訟平亭陳死人以

寄黍離痛獨看樹石鬱蒼蒼紙上魂滿符山堂天留父子

讀書處使我頭白思故鄉

周白民曲江樓社友論制義尺牘

壁鐙吹冷萬笳風帝制民權角兩雄憊欲九幽呼十子挽回氣運到乾隆

進士今爲清道人破承未解說師秦

清道人跋語稱十六

就桂林太守秦文伯問文法秦

蓋接師說於曲江樓十子者也死灰溺後評諸老披帙吾

曹是戮民

邊葦間山水畫

避兵五歲羈窮海得返吾廬萬趣新戶外溪山尊畔帙傲君已作畫中人



題孫師鄭吏部先世子瀟老人遺墨

乾嘉獎經術師儒輒踵起文章出樸學操翰見根柢當代  
孫先生名與北江比茲幅嘖一瓣芳馨澈表裏工書亦絕  
倫秀骨含雋旨尤契與人札直辭將名理後生執蕩志靈  
藥伐其癢乃知典型在一世式浮靡苗裔得師鄭密勿繩  
隆矩用意誦清芬益卜光詩史

題師鄭詩史閣圖

竹垞阮亭標一宗自許正變歸牢籠君今繼起掌瓢錄叔  
季已異歌元豐聲與政通古有訓不廢謠諺徵瞽矇鉅海  
蕩蕩萬漚發挂網幾駭珊瑚紅儒生抱藝目不瞑昭蘇沈

魄知無窮百靈下上暝鉛槧誰憐埋首塵土中血氣尊親  
暨聲教天覆詎遺艸木蟲辰韓日南徐福島同文應和調  
商宮千年作者亦間出壇坫屏斥甯謂公因悟春秋別內  
外素王猶不刪秦風况習音容互覘國義取萬物皆爲銅  
儻廣前軌補未備願殿篇什綜始終

題趙芝山同年亡室紫瓊夫人梅花小影

往覩石遺三百韻今誦芝山四十篇家國祇餘傷逝淚烏  
號記墮小臣前

帳空簾冷數年華石火光中未是家願展情絲絡鰲極長  
如人影護梅花



臘月十八日雪感賦

殘臘亘晴色融暖如芳春稍稍蟲蛸出溪岸生微塵一宵  
風滿屋騎月玄雲屯破曉雪作團鱗甲迎繽紛蹲鴉啼鶯  
縮過雁猶能羣坐念地維裂笳鼓殷南征伐叛昆明池又  
成鷓鴣蚌爭江關疲牽挽萬里連嘖呻擲骨娛左蠹舉鼎殉  
天刑爾曹材文武議禮從談兵雪中涕泗尺告哀生不辰

是日爲先  
妣忌辰

雪夜憶內客上海

惘惘圍書坐遲遲壓雪眠魂驚鴉啄屋聲隔雁橫天有弟  
應藏器攜兒好放船更游新世界

上海茗樓名新  
世界留  
爲登高游憩之所

待話鐙前

雪晴樓望

高樓一望掃煙嵐  
溪壑晶熒日影涵  
幾樹飢烏啄殘雪  
又逢吹角在江南

上賞

擁戴勤勞上賞頻  
紛紛功狗與功人  
承恩博得胡姬笑  
易醉他年有告身

使者

秦皇使者非等閒  
求不死藥傳人間  
船至輒爲風引去  
白頭縹緲望神山



雙魚

天與人歸萬口譽獨緘哀怨寄雙魚  
隗囂不悟文淵去任取茂陵封禪書

玉璽

漢家玉璽祖龍遺老寡猶纏擲地悲文致  
識文身佐命可憐宗室更生兒

舊題

掌握雷霆散八垠起塵終恐污吟入舊題  
焚盡南山竹那解灰飛又作塵

史家

龍鳳樓詩集卷一  
逸鹿青林未可馴飛蛾紅焰似相親史家佞倖增新例  
滕汝飛騰一輩人

雪後上溪亭

晴光迎暝色對雪據茅亭映艸岸分白垂蘿山更青  
航移殘凍鳴星吐認孤螢度磬溪風細閒情欲獨醒

贈別胡琴初去金陵居滬

掉頭鈴駕發忽忽霜曉風高作斷鴻隱霧文章時未喻  
迴戈心事水流東安論禮數輕嚴武早卜陰謀忌孔融  
從此荒城餘夕照老夫起看海雲紅  
次韻曹範青知事飲滬上酒樓見寄



莽莽放歌走南北題輿乘障兩無因隔年相見下孤鶴一  
世從誰活涸鱗脫穎要當爲國士有田莫忘謝江神酒樓  
舊看揚塵地煩憶陽狂散髮人

除夜得諸真長書題以寄興

老余海畔狎魚龍驚喜生還對四松碾夢車音違隱隱埋  
雲兵氣尙重重斗魁倒坐商歌動楫柁燒泉薄醉逢守歲  
親顏書一尺傷春湖舸問孤蹤

真長佐  
幕杭州

丙辰元旦陰雨逢日食

辟居仍有世留命到何年酒氣迎寒雨吟懷戀舊瓊城烏  
沈復起海雁靜初懸蝕日愁雲裏兒童莫仰天

正月三日立春過觚庵宅

對汝宜衰疾能歸有此身灌園仍可樂發詠得其真山瘴  
偷噓坐梅梢怒拆春繫年迷實錄呼作避秦人

雨望

改歲誇何得雲光與雨痕嫩春甦病樹孤唳落寒原疊鼓

巴船斷鳴笳晉壘昏安排巢燕返疑不向朱門

巴船句謂  
征滇將士

由江  
到船上  
牽

雨夜寫懷

一鐙如訴我宵雨在千峰起合蒼茫氣誰窺塊獨蹤古心

驅作崇殘運裂難縫祇對不臣木青青牖下松

孟郊  
詩松乃不



臣木青奇  
獨何爲

觚庵園看梅

微晴溪水浸流霞  
亭角新香醉曉鴉  
一歲已爲山鬼悞  
更無才思詠梅花

行園戲占

瓢兒菜長雪痕消  
把翠筠籃饋歲朝  
薇蕨不生金粉地  
欲從夷叔乞新苗

人日放晴出游未果枯坐成句

開歲昏八表淫霖迄未止  
佳辰延霽光天宇重昭洗  
春氣襲微微聊欲躍兩髀  
四顧復安之興隔一溪水  
頽然抱書

坐憂端劇叢矢誰何劫大運義和墜莫紀狼狽讀祕文恟  
恍失前史噓蜃結樓臺鱗植氛霧裏槐安猶呼國逐逐不  
如蟻淚盡逢人日志怪齊諧比取酒佐閒謠城頭鼓聲死  
曉暎公約相過

閉關趺坐一頭陀隨喜初看二士過各有吟情散梅柳莫  
從報紙話兵戈老來歲月防人覺亂後交親學佛多猶卜  
尋春靈谷寺伴余候月挂藤蘿

仁先覺先兄弟由滬過訪次日同伯沆觚庵往登掃葉樓  
嬾拙偶蟄蚪畫肚久未出循廊紀游蹤宛覺周八極同車  
好兄弟歛並海鴻入小別意已多所語驚突兀快犢引跋

鼃緬彼棲真窟梅邊贅吟人罷酒挾俱發縹緲二水上樓  
觀仍百尺遠色江帆微新晴廟樹直鴉點不可數冉冉雲  
空沒滿聽長風迴中雜萬方泣亂象如剝蕉剖判有此日  
覆天載地間祇留相噬骨何處騎白龍聖仙亦恍惚睨誦  
堊壁題佛死完吾說

樓壁有寄禪上人舊句

春晴攜家汎舟秦淮

融景戀佳攜門前一艇子飄搖簪裾影語笑滿溪水落漲  
紆篙楫飛光錯金紫穿橋就欹岸韜園差可喜絳梅三兩  
株自照風日裏入館列方物約略溷歐美茲地倡工商壯  
圖耀南紀世改寶殘遺猶詫遼東豕返舟新月上幽鐘初



到耳十里歌吹歇昏鐙漏簾底劫餘處處迷禿柳迎如鬼  
羣稚興亦闌儻悟盈虛理數錢買春宵姑飽鱖魚尾

正月旣望出太平門視次申墓

薄雲籠日鴉雖舞出郭蕭蕭獻村塢左束湖水羹流匙右  
騰巖石天倚杵小車伊軋大隄上逢迎東風狂如虎步尋  
塍陌蹈枯槎澗曲依然一坏土頻年已絕椎埋羣艸綠花  
紅會娛汝眼前橫議起世難故里橫戈蜀江阻更憐魂魄  
望邊城負笈孤兒同負弩

次申子方依其從兄就學黑龍江

我還白下問

子遺華屋山邱那忍覩泛棹攜筇游侶誰日夕哀吟煎肺  
腑地下儻聞世上語但非堯舜薄湯武

觚庵園梅盛開夕風起未及往視

鄰園爛熳一株梅準擬銜杯繞百回  
今夕風狂天欲雪祇愁移向夢中開

雪夜伯沆曉嗽觚庵過飲

風力碎春光盪作飛空雪鵝雁不敢前  
禿枝垂欲折笳聲滿山城嘶驢助鳴咽  
夕鐙耿我廬遣情觴具設笑看披氍過  
眩尋昏巷轍數子芝蘭氣馥坐散憂結  
孰云居亂邦息機自媚悅脯蔬薦鄉味  
閱世尊饕餮殘醉仰書空微茫吐寒月

病山同年開歲有漢上之行江舟來去未及視我旣還滬

寄詩相訊酬以此篇

城根江水似弓彎，照影吟人自往還。  
方卜歲時過僻巷，空懸雪月寫孱顏。  
迷離棋局終難覆，廢棄琴臺儻一攀。  
暝倚槁梧誰破夢，憐君負我喚鳩山。

過劍泉鑑園出示新作賦贈

雪餘疊嶂欲飛浮，來倚朱欄對白頭。  
籠岸晴煙生柳氣，隔年零夢洗溪流。  
哀時句與龜堂匹，種樹書猶蠹篋收。  
待發花枝翻日腳，獨留醉語在高樓。

用前韻答劍泉

水上輕鷗數點浮，片雲長挂屋山頭。  
隱居笑有宗雷侶，玩水



世今爲嵇阮流射虎年華揮淚盡跳魚春網倚晴收閒閒  
讀易推消息暗落邊愁臥一樓

壽張讓三十六

眼收百國腹千代數汝恢奇磊落人自挈幽憂供醉語旁  
羅別墨作家珍看桃村塢事如昨投壘宮闈世又新賺得  
頭顱好歸去天童古柏對嶙峋

答伯弢自常德鄉居寄示之作

傳烽海嶠扶頭去留得空樓喚婢聲一別自嗟成自悟相  
望非死亦非生賣漿屠狗真爲伍篆刻雕蟲那敢輕莫問  
紛紛鬥蠻觸癡兒有淚埃河清

夜讀放翁詩集戲賦

老有高情照峽籐篇篇都訴短檠鐙匡時報國尋常語四字吾生寫未曾

看孺人移種芭蕉東窗下

聽風看雨一窗宜祇惱炎霄赤日窺作計逍遙功德下待

分濃綠潤烏絲

韓詩道遙功德下不與事相撫

贈學佛人歐陽鏡芙并序

宜黃歐陽鏡芙學佛於楊仁山居士之門有年矣焚修精進無異枯僧居士既蛻化而經論刊布未竟鏡芙乃走關隴就同參剎生獲資歸完居士之悲願遺畫焉一

日相過話故舊寫示留隴上諸詩喜其奇宕賦餉一篇  
莘莘學佛子久棲不二門授記古德前悲淚洗垢昏十載  
卻葷酌孤探天地根宿業堆物象吐作虛空塵導師修埋  
照經帙倚刊存焉得金布地終煩火傳薪絕續一大事挺  
起扶法輪掉頭走關隴雲月隨崩奔履穿虎豹窟衣破荆  
棘痕荒漠黃沙飛手拂楊枝春邊城躋淨域藹藹道侶親  
咄嗟滿囊篋壓馱歸裝新至今雨花廬再見宗風振長案  
聚指爪梨版縱橫陳日疲校讎役薰炷吹儒巾過我話無  
始高篇復璘彬文字出劍戟恐剽迷途魂對子怪且歎試  
技疑眩人萬緣自推轉萬蠕自吟呻生天亦安之守死躋



其真

孚侯至

枕肱同罕出出必笑相逢子有京房易吾哦杜甫松論交  
千萬恨窺坐兩三峰興到成來去非關聽暮鐘

訪周處讀書臺

吹塵東風顛巷窮截峻郭磯步留幽構望眼江潮落生煙  
劃墜圃面山投烏鵲嚮往曠代上雄姿伏一壑借問讀何  
書晒但觀大略不如注蟲魚見象天祿閣縮手蛟虎前彼  
固尸高學趣出阿世儒微感弄冥漠

次韵答乙盦寄懷

曙啼苑樹隔東西巖腳溪脣我亦栖稍倚楚騷將耿介苦  
疎秦俠與提攜霽銜春冷初英歇魂聽風過萬竅齊緩帶  
重尋草玄宅親摩四牒問端倪

同孚侯劍泉飲沽肆

斷雨零晴鳥語中偶然乘興踏春風盛時裙屐逃亡盡對  
酒江南兩禿翁

味薦糟魴炙乳豚昏鐙矮屋客愁翻低頭各憶求仙路邏

卒休猜腹誹言

時頗有偶語之禁酒家  
壁榜莫談國事四字

范秋門客死濟南悼以此詩

通州三范今都盡飛淚迷茫江海間兄弟忍思能我厚妻

孥猶說待君還政聲世許文名副酒德天慳石隱閒飲恨  
兵戈阻舟楫和歌永負訪碑山

二月初八日平明發下關江行

投影洪濤前鐙樓遲歸舸喧呼逼宵枕翻魂起蹇跛微明  
辨旌竿雲隱奔流柁蟻緣落蜂房懸喘初貼妥雲曙蔣帝  
山歌隔吳孃坐睡魔飲江氣蕘柳迎婀娜迤邐原隰開嵐  
彩紛紛墮雁聲一何勞南天脫烽火醉中鼓鼙路獨謠欲  
遺我

晨起望循江諸山旋抵九江易舟渡湖泊姑塘

滿窗弄影山變滅安可擬遙樹挂微晴蒼蒼界煙水引頸



馬當黑挿眼小孤詭際天明雲嵐匡廬秀南紀延輝獻城  
堞攢岸人如螳就跳犯湖舟搖兀玄霧裏五峯吐石氣鷗  
情澹千里余懷哽舊歷沈纍恍移指

謂故友李雍垣  
夏舒堪溺沒處

蛟魚

或騎出冷向濤瀾語泊依巖市鐙風闊角聲起

湖盡維舟吳城望湖亭下

空飆刷層波響夢趨輕舟爲客無根蒂自恣冥冥游撼牀  
萬鐵騎恐血長黃蚪披衣殘湖光蒼嶼數點浮帆楫聚微  
雨出雲隄上樓往者結散士臨漁分茗甌習戰聽鼓角閒  
評毅勇侯歷世賤一匡未改瘡雁投骨羸怯扶眺歌接春  
江愁

發吳城取江路指南昌凡百八十里

持余眇眇身來禦風如虎脫吻蛟湖舟鐙獨圍寒雨鳴索  
殺餘勢晨色遵江渚淺波黃未澄平蕪綠初補鴉出接篷  
翻魚臥看網舉嵐嶺列葱蒨炊屋錯五行歌騎牛兒春  
氣溼村塢桂石一片魂又落城頭鼓

渡江入西山晚抵墓所

江喧移輕舸逐若游鯨隊風漪俯紛綸霞郭仰層累安櫓  
緣缺隄響篴孤翮逝蒼山環百里自然滿靈吹長坡槎蘖  
新狹谷藥香細炊煙劃村落田水叱牯犝茗亭所識童爲  
指飛空翠藏鴉喚歸人墳土萬松氣時祀作寒食及候太

早計魂危往還路觀兵烽塵蔽玄黃一戰區坐覩靡寧歲  
詛詐劫寤歌走險肯擇地狂醒蝕道心祈傍石根瘞臨我  
父母兮天雲洩微涕漠漠荆蔓深冥冥巒壑睡摩碣豺聲  
前猶赦老能至

嶠廬樓居五首

山風佳獨坐閒味入春晴艸樹馨無縫岡陂綠漸生深煙  
穿雉影小閣滿鳩聲野色能相醉休勞取酒傾

孫竹高園屋牆桃蕪未花微寒親臥起孤往問年華黃鳥  
啄殘雨白牛眠晚霞老楓比鄰父對我益槎枒

千峯含雨氣夜壓作魔牀起坐呵孤燭微敷松竹香愁憑



飢鼠嚙夢欲遠鐘妨歷歷心頭事江邊悔種桑

作者揚劉氣宗臣馬范顏吟成范伯子持以頌西山電滅  
登樓興名餘勝國頑斷腸非痛定折草墓門還

曉窗理書帙人在雨聲中雜樹昏藏鳥高霄冷拍鴻岫雲  
粘更脫圳潦隔能通縮手聽簷滴銜杯白髮翁

花朝抵南昌過吳董卿以便赴山廬詒句爲別攜至展諷

酬和茲篇

一歲得歸開雁路孤篷閒眺問龍沙落城邂逅圖書坐吐  
句續紛桃李花攜入窮山照新燕安知邊蠻擊長蛇我仍  
誓墓尋君語了卻公家聽煮茶

樓夜聽雨

響合青松翠竹叢蕭蕭鐙火滿樓風獨來臥聽荒山雨任

說尤尋百戰功

時紛傳演  
蜀戰事

冷水坑謁羅氏外姑墓作

隔雨奔柴車泥轍聲逶迤越陂踐隴陌灌莽留幽姿土膏  
擢秀苗紫丁浮歲蕤霑衣冷山氣自秀春煙肥新阡插巖  
腹攀躋爲獻歎維母失其女移眷責兩兒蓄德慮患多出  
語悽肝脾十年繫海嶠歸老願已違亂作暗病牀一瞑訣  
斯須依倚負母懷及此窺埋黜陰風迴羣巒啼鳥守枯枝  
杯醑滴草根樵牧知爲誰

雨止出眺廬外諸山

小山亂鳬鴨俯啄或昂趨踏艸煙都死崩沙徑欲無醉魂  
迎虎氣晴靄落鳩呼藜杖遣人境冥尋萬化扶

去西山道中得句

賣癡無口說山川淚點空瑩馬鬣阡薄曳嵐霞分曉嶺低  
飛鳥鵲察畚田雨餘炊接村墟靜世外吟防道路傳桃蕊  
柳芽三十里春愁攜壓渡江船

壽庸庵六十

妖腰亂領窺神器挺立當年壓萬喧鎖鑰付人終力竭江  
湖寄命此心尊淚邊功罪成詩史枕上羲黃探道根花近



樓前親種樹看栖鸞鶴挂靈猿

唐元素同年所藏山水畫爲國初遺老八九人聯綴成幅  
者屬題

苦說買山隱采薇安所歸重來照海水紙上有巖扉嵐是  
遺民氣天垂釣者磯願身化枯木不使挂殘暉

爲李健甫題白陽山人大滌子合畫冊

眼明此卷出叢殘澹遠雄奇骨自寒作者文章參二妙並  
留天製待誰看

爲嫁女客滬上兩月四月二十四日移還白下別墅節庵  
止庵乙庵諸公咸題扇贈別依次答寄凡三首

龍虎山詩集卷一  
三十一  
答節庵

侵晨車馱戒門闌有客遮前掬肺肝睥睨祇擎題扇句斯  
須又博仰天歎曰歸拚向艸間活扶醉難忘月下看溪上  
欲私乾淨土夏雲移覆釣鯿竿

答止庵

往者挽歸駕爲忠失自謀翻勞驚虎穴獨戀釣龍湫艸木  
今同命天雲一照愁清吟被災眚涼落蔣山頭

答乙庵

作鄰六十日縱語五千年興盡掉頭去鐘音江海傳霸圖  
延老味兵氣壓佳眠自度風輪上猶堪十種仙

彊邨校詞圖爲漚尹題

眼枯倚杖莽揚塵  
羸蹶劉顛老此身  
指正九天遺一世  
作癡誰泣校詞人

翻翻蠹迹辨牛毛  
獨獻靈襟萬象高  
坐滿鬼神相視笑  
莫教圖我讀離騷

答補松漚居見寄

吾儕比瘡雁雲海  
落還飛空解避彈  
射終期宿翠微  
月親誰對語世隔  
自忘機祇憶攜穿  
市昏敲舊相扉

中秋後二日絜漪園觀桂花有作留示沈友卿

憚暑伏窮巷抱書  
日咿嚶雲靜天宇  
涼愛此平分秋馳  
輪



寫寐夢萬屋安所投北城絜漪園叢桂故修修穿徑漏微  
馨藟綴花未稠樓廊浸深碧曳入蟬響幽荒殘引杯場苔  
氣吹我愁吟人鎖廳去偷賞謂何求菊滿期重過儻晒攢  
眉不留句發閒情有國如贅疣

丙辰九月二十四日車赴杭州訪仁先恪士夜抵南湖新  
宅

汶汶且沒世日閉窺園扉微聞四海沸抱頸迎殺機斃莽  
悟王命又仰刺天飛孤竹歌何哀易暴莫知非文書鑄頑  
鈍聖法疲繼韉親朋諗結舌誘餐湖蓴肥跛者不忘起誰  
謂千里違星點映征篋車塵颺依稀一舸門象罔崇山莽

相園穿隄影籬壁犬吠鐙火輝握手處士廬學道供獻欵  
醉顏數靈窟天風看振衣

法相寺古樟同仁先恪士作

壓夢湖上山晨望理筇策步尋飛鷺旁家兒跳俱出

謂仁家

二稚子  
從游

徑轉矮樹重穿影霏煙隙佛場據巖腹入憩靜樓

壁垂陰合景光茗坐寒翠滴側睨老樟怪挺榦作勁敵雄  
龍角嶷嶷何年坼霹靂飛將兩猿臂射胡有餘力疑灌菩  
薩泉漫比精忠柏天留表靈山依汝如古德鐘聲風葉翻  
不壞斜陽色

馮蒿庵老人後余二日至湖上遂偕游虎跑泉仁先領羣

從亦追赴啜茗佛殿石壁下

老人獨徇余踵接騁奇游兩簷照霜髯竹樹風吹秋墜葉  
蒼山脚滿聽鳴禽幽止眺過溪亭千歲隔俊流叢嶺瀉雲  
液澄泓對悠悠巖扃別有世紺宇籠長楸健步來蠟屐影  
雜嵐彩浮平生濟勝具始覺老可羞試泉依石壁列坐薰  
茗甌如絲洩蘚氣繇絡亘古愁砭骨噤且噫鬼瞰失國儔  
起尋濟顛祠靈爽颯一樓尊者睇過客盈前舞髑髏畫沙  
示垢淨初向心地求

時值扶驚  
於樓頭驚

迷途竟孰覺親魄飄樵謳

補松同年招同蒿叟仁先恪士尋西溪飲交蘆庵觀所藏

卷子



攬勝偶師儒移航接村店共載壺榼俱傳笑一水徧港汊  
汭彎環瀾沫欲飛濺歷歷十二橋進寸視轉戰蔽溪革命  
草滋蔓愈葱蒨非種應運生誰補五行傳

是草寄生水中  
名野水荷花不

常見辛亥革命後始蔓延上恣探峯嵐霞峰壑極怪變

綽約金銀臺示現華鬢面塢隔荒庵在聊厚懷賢願斯人  
一往蹤留癖起狂狷老僧列藏軸風味瀛洲彥取醉題紙  
尾照席柿顥豔賞奇獲物表莫問花如霰

西溪蘆花稱  
盛未及見

雨中諸真長攜瓶酒邀偕仁先恪士游雲栖

魚貫輿而前江路逐健翮十里盪潮音醒此看山客雨中  
秋草徑始與帆牆隔斜趨迤邐陂怒迎巉巖石猝仰竹萬

昔居精舍詩集卷下  
四十一  
竿行列森矛戟古木困重圍突兀拒堅敵層陰鬱沈沈雲  
光自闔闢摩戛寒玉韻風過魂氣碧恂恍落鐘磬寺樓臨  
咫尺溼衣賀游侶天全子猷癖人生貴乘興有句吐僧壁  
靈境付醉看歸途驗雙屐

觀龍井同蒿叟仁先

佛閣清且嚴碧巖四堆擁先登蒿庵翁元精牖鑿空深坐  
據孤巖面壁聽曳踵入笑把茗椀吾亦賈餘勇茲山夙未  
歷小儒信一孔療渴出尋逐犖确掠邱壘樹皆石上生堅  
瘦併骨聳下有潛龍湫避世自矜寵靈淙但娛客洗鏡冷  
鉛汞溢流韻琴筑情盈營魄動接構寫天倪萬象刪其冗

品泉一大事戒誰筆南董

汎舟湖上晚景奇絕余與仁先各以詩紀之

艇子點湖風欲落疊霄頑雲穿日脚破碎光景颺金蕤爛  
斑畫圖出衆壑朝眞羽客幢蓋趨覆醉玉人紗縠薄魂翻  
眼倒芙蓉城縹緲從之控鸞鶴照夢一逢然疑作

同仁先登六和塔

拄杖尋仙老可哀一登絕頂想蓬萊澄江澹澹帆楫下寒  
雨層層鴻雁來搔鬢歌吟沈草莽打潮城郭蔽煙埃癡兒  
不挾淩雲氣祇攷殘碑泣霸才

諸眞長徘徊塔下不敢同  
登遂覓得宋人碑碣導示



李莊小樓晨望

日踏巖扉聽鳥吟  
藥根泉脈了幽尋  
小樓別有閒滋味  
十里晴湖隔一琴

好倚疏櫺下釣筒  
魂圍山氣溼濛濛  
圖成仕女聽鐘坐  
分

我風光八十翁

莊客何翁年八十善丹青

廉莊夕照亭

水上樓臺列畫屏  
繩牀涼割萬山青  
卜居夫婦乘槎去  
看織蛛絲夕照亭

白雲庵

巖旭輝留草樹薰  
作圍湖水導鷗羣  
僧厨飯熟鐘音動  
誰

臥碑亭嚼白雲

步隔溪野岸

久歛湖海蹤閉閣有餘想披誦意不屬蹢躅起扶杖歷門  
視茫茫何地問親黨隔溪明野色畦町平如掌還入誘童  
孺攜挈恣一往市橋折微徑晒若適莽蒼卜築誰買隣避  
寇遺片壤漠漠枯桑列萋萋寒崧長雲隙見鴉翻草根歇  
蟲響西暉映吾廬傳觴欠雙漿狹流嵌人影細數游鯈上  
便同汗漫游聊寄濠濮賞

挽潘若海

鼙鼓聲中數往還就予彈淚倚鍾山帝秦孤憤天應鑒走

越奇蹤夢與攀落拓虞翻疑骨相遨游陸賈補時艱起衰

二士移眸盡

謂麥孺博前一歲沒

忍過辛園話鑄顏

南海康君居辛園潘麥皆其弟

子

### 雪中樓望

久旱得片雲俄爾玄陰結微雨散霄空釀深一夜雪泠泠  
溪上寒皎皎衆壑潔靈旗靜不翻千仞雁翅折隔歲三白  
逢撻伐笳鼓咽弄戈叢菁間豺虎舐人血事去除閭位揚  
彼濟時傑彈指歌哭非羶行滿饗餐終成一擲盡坐使四  
維裂酒顏重倚樓銀海生眼纈殘黎待活誰猶冀蝗蝻滅  
八表對茫茫縮手瘖吾舌



雪晴步後園

江南一冰海父老詫未有瓦溝十日雪炙日篆蝌蚪茲晨  
氣稍蘇晴色粘枯柳飯了揩兩眼舉步踏瓊玖隔牆畫卦  
畦猶沒菰與韭微綠坼白光摘筐掃無帚向來蒙菜把愆  
數心語口擾擾啼飢禽下啄依我肘我甯有餘粒活汝韻  
林藪炊煙網山影巷吠續前後看作尋詩人茅茨出蓬首  
雪夜倚樓看月上  
凍雪光嵯峨一樓倚黃昏大月脫羣嶺白龍從飛翻奇彩  
漏闐闐銀浪莫尋源城中萬井廬浸入琉璃盆居士支皮  
骨耽此寒可捫四照古愁出大千吹醉魂恹恍控鶴駕冉

冰齧罽笥高風蕩萬啼啄霞投疊阜肺腸染氛稜空記洗  
杯酒鴉窠與閱世對立支離叟

復成橋晚眺

跨溪百尺橋於我成掌故江南作客初嬉娛費芒屨時時  
繫艇子結侶橋上步披襟飽看山數徧水邊樹月宵競浴  
涼竄影同狐兔衝颿嘯叢薄踵有魍魅附環笑雜哀呼陶

築林薛

次中

攜妓路范生

肯堂

摹清景託興申長句荏苒山河改

勝流亦死去扶杖鐙歌前隔夢識其處崩岸掠釣竿依稀  
舊飛鷺寒照懸心魂送老餘回顧

除夕作

羈海四除夕淚眼爲之枯猶媚餞歲盤過存列仙儒醉面  
掀吟髭家家如畫圖引去再改火撫我溪上株艸玄笑無  
雄聊擁寂寞區世中復何物坊錄送歌呼一鐙定萬態誰  
主而誰奴老有所謂道哀樂灰洪鑪詩書信禍始成就雛  
心孤江城又飛雪寒壓七尺軀盆枝坼微馨流庭氣昭蘇  
雞唱戀煮餅明日非今吾

丁巳元旦雪晴

天光新雪屋三白說年豐已靜溪山氣初高雁鶩風城陣  
寒角動影事醉吟空倚閣譁兒女晴霞井口紅

觀恪士園亭



薄雪覆深晴流光與目成含春梅擅態動壁竹諧聲鷹翅  
驕竿末魚苗試水程一襟迎萬壑閒看夕嵐生

雪夜寓興

祇覺月臨砌猶餘雪映軒飛笳侵獨坐散帙獲微言花影  
四壁畫心光萬古瞰翻憐杯落手釀夢探天根

詠小松

階庭三尺小松樹待長龍鱗歲月閒霰雪紛紛冰齒齒一  
尊對汝氣如山

杜陵移植草堂中配汝茫茫笑略同莫爲旁枝發桃李仰  
天倔强拒春風

開歲二日地震後晨起樓望

夢醒屋壁響轟豚牀替浮槎駭浪摧方鬱杞憂天折柱竟  
危禹域地擎雷橫樓旋改風雲色啼郭微傳鵝鶴哀儒學  
紛紜勞志怪祇依鐘籟領深杯

寄仁先戲問彙刊同人西湖紀游詩

搖影湖山五六公一時得句顯鴻濛盪摩靈境須眉古灌  
漑禪機肺腑同以補畫圖呼主客敢災黎棗亦英雄搜尋

老味旌筇杖好事天曾役病翁

病山有  
天目  
紀游待刊本

散步溪園

日長無客款柴門沾屨輕泥步北園錯落菜畦橫小水沈

浮雪氣入晴痕片雲欲暖吟人屋遠樹知成歸鳥村脈脈  
閒愁作閒味回頭簫鼓沸城根

獨游後湖啜茗閣上

歲首雪罅晴須臾游目誓造荒寒區臆決後湖阻裙屐奔  
拂寧柳鴉聲麤穿郭小車歇隄岸虛舟仰臥不可呼但見  
狹流界數道乾死荇藻頰泥汙側尋壩腳踏沮洳或俯而  
僂昂而趨水氣寫我作孤鷺瘦影明滅浮叢蘆野橋脫板  
挂壞木試覆戰盱奚僮扶瞻祠守者導登閣進茗廊廡拈  
微鬚陶公祠後易爲六君子祠無賴風光果誰主空向厲鬼相挪揄淩  
波塵襪久寂寞竦巒帶堞留畫圖層層翠竹起幽籟殘陽



慘澹棲桑株獨立放歌破蒼莽不問荷香圍酒壺

病山自滬居寫寄除夕詩句題其後

盲風合海雪光沈斷巷深鐙耿獨吟想得閉門除夜盡聞  
雞滴入報恩心

流離老骨問鋪糟賣藥餘哀赴禿毫下道齊桓忘羿浞

詩中

有稱羿  
浞事

史遷未解屈平騷

人日過倉園觀仇徠之同年新營初堂

勝日風溫梅藟殷照園新竹對閒閒曾圍尊俎聞歌處更  
起樓臺插水灣抱柱小魚初可釣覓巢舊燕誤飛還主人  
談舌疏名理浸影茶甌一角山

寄題曹東寅南園圖

南園在寶應爲曹  
移家躬耕之所

曹翁寄我南園圖出映茅屋故人面歷沿勝蹟脫窠臼自  
狀風物徵題徧當時大盜據九鼎怙恃凶威橫宇縣巧煽  
力取附爪牙衣冠匍匐媚受禪欲列穢史載歌詠憑几皆  
裂舉腕戰倏忽南戈起掃除莽卓坐隕改謠諺翁之哀樂  
幾過我癡懷敢冀齊一變嗟翁早計顛覆餘食力沒世全  
微軀射陽淤壤利墾播大男負耒爲先驅聽雨有弟挈俱  
往兼闢小圃躬芟鋤蕭然東南一臞儒狎玩千劫雄眉須  
瞻由過邁聚戶闔祇今看作耕田夫世難猶教怒生癭羸  
項蹶興博酸哽匡牀知汝仍掉頭灌花好護蘇耽井况鄰

二老託箕穎

謂馮萬叟劉笏卿

歲時寫句佐羹餅環溪縱權莫問

渠

朱處士爾遠環溪橋侍讀萊縱權園皆爲今南園所有地址

終古認此桃源影

爲高穎生題環翠樓

自世之亂突蛇豕士夫輟業棄故紙但捫枵腹剿異說墳籍不待秦火燬壓海猶懸環翠樓置藏萬卷緜歷祀一老握槩四十載辛勤遺編攷全史諸孫氣合聳高侯倦仕未敢忘根柢復新構架妥几榻用牖來葉踵前美蓋村一片讀書聲和以松聲鳥聲喜寥寥風味指故家半角烏山夢魂裏

出太平門視次申墓歸途望孝陵



賽年鼓動心生哀野祭携具榼與罍出穿廢壘指壞郭雪  
泥涸路吹黃埃稍見蓬門立婦孺亦有樵牧行歌回驅車  
大隄爲之下湖如長蛇山如馬俯尋田陌躍澗溝依然鳴  
蟲絕四野撫汝抔土枯苔髮客瘞尺碑記歲月血染蜀道  
猶兵戈莫向夢中說歸骨去壓高雲縱復橫孝陵左顧籠  
荆榛驢背古來龍虎氣蕭蕭颺作髡枝晴死生興亡無可  
語喚人空落乳鴉聲

立春日口占

土脈微扶春氣醒驗占穀卵峙亭亭迎年博得兒童笑那

解生愁柳漸青

交立春某刻以雞  
卵立土中不仆

晴輝初射鏡匳銅屏曲盆梅作意紅屋角又成羣鵲世查  
查看起鬪東風

高麗金宗亮

起漢

過訪求詩因贈

博衣儒冠來叩門進揖據坐顏貌溫瘦骨微髯習雅言自  
云失國風波民久羈中土逃苙豚西北歷騁東南奔竭來  
一探苧蘿村還拜湖上岳王墳下車復眺謝公墩江南文  
獻足討論耆舊捧手尊所聞丐導異客掀騷魂茗酌澹澹  
簷日暄徐挹襟素雙眉顰嗟我亦如蝨處禪何當鵠舉方  
圓分對子祇成胸獨捫大地能自立者存故事忍問齒與  
脣誰戒鰕鮠長鯨吞萬劫同歸娛朝昏子且狂走脫其羣

贈子別句兼淚痕

上元夕又雪

看看鐙挂樹壯雪又成圍射影階除亂生煙梅桂肥獨斟  
浮氣象娛老有獻歆不絕傳街鼓驚烏何處飛

胡琴初寄示除日述懷四首次韵酬之

溪廬醜對瘦梅枝玩世聽評嫫母媿閒撥鱸灰吟捉鼻起  
看山雪曙浮眉是鄉真入無何有大事從來不可爲海客  
哀傳除日詠精魂照酒已回移

沈響雲空瘡雁單雪痕圍誦滿辛酸江邊桑茂山河改夢  
底松高寢殿寒羣盜橫行終自隕中興作頌待誰刊茫茫



胥溺稽天浸迸淚何時后土乾

黃農既沒桓文隔萬影猙獰雜蜃樓那問蠶桑安婦子祇  
餘蟻穴化王侯低徊功德三千牘痛哭燕雲十六州人物  
渺然羞湛輩腐儒袖手看橫流

青溪一道接籬明打槳城灣憶友生應笑當歌忘老醜猶  
從舊史說功名瘡痍移浴煙霞氣歌詠紛垂治亂情閱盡  
蟲沙吾亦厭尋春私戀杖藜輕

携家游孝陵

小車銜尾脫重城人影蕭蕭石像迎緣坂枯營殘宿燒蓋  
山羣翼帶微晴甕寒隧宇孤光吐徑隱樵蘇萬象橫樹底

龍鳳吟卷下  
茶甌閱興廢寄生枝又鵲巢成

弢庵師傅七十生日

名德從來萬口傳今逢賜杖上尊前回天孤抱侵宵漏啟  
聖殷憂壓講筵身繫苞桑神所勞夢親聽水道彌堅詩心  
自續無窮世紀盛看摹石鼓篇

花朝後二日花近樓社集

尋梅游侶興未衰車箱挾我海浦馳併日爭據乙公榻燒  
鐙鬪句忘飢疲花近主人續治具強遮作社娛佳期午晴  
廊廡列裙屐氎几犀軸驚紛披仇圖文跋並精妙禹卿筆  
勢餘妍姿肅對畫像新建伯野服蕭散頤頰羸勳名蓋世

類老衲渾渾淵抱探孔姬眼前賤值偶獲此光怪震發纏  
蟠螭俄頃裁箋吮毫翰各卷談舌撚吟髭依然制科榜甲  
乙朱衣點額都成癡蒿叟後至染斜照撫拾惡耗供嗟咨  
有國久等戲蹴踘提擲跳踉看羣兒擺落萬態擁酒坐深  
杯百罰牆烏窺衰慵一聚荷天眷呵噓元氣猶淋漓明朝  
拂塵臥溪屋孤呻吐壁和者誰

汪伯軒所藏翁師傅手札題其後

坐更人代萬靈馳江介遺風隔夢絲恨未入山尋故相築  
無等院看摹碑

眼明零墨錯成行怒馬縱橫老鶴翔一點禪心藏國史欲



龍鳳樓詩集卷一  
移北斗接光芒

浴佛日雨中發南昌抵靖廬上塚三首

臨江雨濛濛犯渡私帆幅洲轉齧岸欹蒼靄漲原陸新泥  
膩深軌影積道邊木吐秧畫野畦娛聽叱黃犢陣鴉切歸  
心迎訴啼鶯曲宿昔所暱山瘞之雲嵐腹想像服氣臞手  
披靈文讀拾夢老卻人魂曙村塢熟華表隔炊煙社櫟已  
挿目捷徑迷羊腸指投圍蛙屋

弛裝躡虛樓拂我蛛網榻叢篁涼壓屋疊與峯影雜一燭  
光兀兀悲懷對開閨阿爺所憑几把卷想傳檣阿爺所窺  
窗獨樹猶如塔廿年歌哭地留供蟲虻嚙宵深雷雨翻谷

音萬馬踏恂恍走精魔撼牀圍老衲沈夢漲海底呼吸波  
濤合骨甦吐孤呻落枕晨雞答

兩餘捧杯漿四眺墳上山莽莽雲氣出低摧孤鳥還薦春  
踰節候雜花存未刪艸土揚微馨新陰夏木環歲時孰遺  
火萬松髭二三摩挲舊燒痕活待煙露涵流人阻遮護灑  
涕一瞥間有物影寤寐殘骼屯瀛寰國度蕩無紀層累窺  
神奸脫死伍樵牧靈其掖羸孱

題合肥張勇烈公

樹珊遺像

飛騰身手凜凜誰成仁取義之男兒智名勇功博一死至  
今爭仰天人姿電擲萬流事翻覆百戰河山猶在目文武

青原先生詩集卷之十一  
衣冠掃地盡賤儒，鬻作机上肉。健者思公涕盈掬。

李道士爲其門人胡翔東作御柳圖乞題

青青猶自傍宮牆，蟠據根株歲月長。一夜東風怯無力，迴看搖影不成行。

綽約靈仙捧土栽，繞溝鸝鵲莫驚猜。對垂萬淚移滋灌，飄絮爲君覆酒杯。

挽沈友卿

經世高文照海濱，生還白下偶爲鄰。能同茗酌參初祖，更辱詩篇問戮民。幽夢猶騰光怪氣，罪言忍負子遺身。廢園顧影悲秋地，叢桂淹留失此人。



八月二十一日攜兒子寅恪登恪孫封懷買舟游燕子磯  
遂尋十二洞歷其半至三台洞而還

閉置不樂摩華顛雜影江滸晴呼船從游年少蹲篷底貪  
看拍岸驚濤旋千峰散翠日氣午鼓角十里高風傳迎人  
伏燕勢欲起走循爪距登其巔覆碑一亭臥兵子荒荒草

木山依然往歲支筇伴國老

甲辰夏從張文襄游  
此回首十四年矣

霜髯領

客疑飛仙控搏雲物俯形便憂樂滿抱垂雄篇偷閒逆卜  
以躬殉滄桑戀此晷刻延重來墮淚誦公句恍臨魂魄聽  
幽蟬降投佛刹飽炊黍作計選勝窺洞天展齒未到負夙  
願踴躍取徑啼鳥連塊然巖壁列萬丈錯落嵌竇誰槌穿

龍虎山志卷之二

所歷諸洞並邃窈如仰雪屋成方圓稍嫌香火烘木偶遮

接構架擎修椽有穴冥通鐵甕郭遏絕禁閉尋無緣

二台洞一

穴通丹徒以游者類入而最號瓌麗三台洞廣幕刻畫衆

妙懸九龍垂胡蜿蜒出獅貌文豹相屬聯下浸巨池澄靈

泉觀心宛止鯢桓淵旁扶欄楯踐梯級又由蜂孔闢大千

覆盂之形豁雙牖刻石作楬橫一髮層累而上益眩瞀欲

老茲洞迷歸年澹浮巖氣鏡霄漢眼瑩二水洲鋪氈寄巢

虛空落咳唾電謝人代盟枯禪揖讓征誅定何物野鴨飛

處皆腥羶含哀倏忽墜淨地瑣屑摹記今難全仍健腰腳

踏碎礫掉首醜石酣牛眠歸帆溼秋拂蘆葦霏紅西照銜

山妍暝邀燈火市聲動笑能興盡肝腸牽

紫霞洞

流聞紫霞洞深匿孝陵側微晴弄閒襟城闌策蹇出龍虎  
氣沈沈石犀護榛棘馳道折荒徑野水初吐舌雜葩搖白  
紅上衣蟲聲織犖确靚巖扃光寫蒼靄溢疊磴碎煙痕秋  
樹穿蒙密洞底投甕盎鍊魄足容膝大璞絕雕鏤薄費五  
丁力道人鬚拂座述亂記月日據巔撼危堞萬彈雷霆疾  
士卒就爨汲福地一敵國影事攪吟懷滿院寒陽色去尋  
墳墓語魂挫驢腳失

九月二十四日抵杭州南湖恪士宅過仁先兄弟坐中遇



漢川謝石欽

徂歲美遨遊興展吟未歇重尋符月日依然忘機客環廬  
斥廢墟梅竹稍次列蔽亭紅葉翻明籬菰蘆雪澹泊得素  
抱示疾謝天伐鄰牆好兄弟故侶賞晨夕數子湖上山層  
層並秀發猶夢迴戈地凝涕卷談舌至道無虧成孝弟養  
奇骨笑指歲寒柯作杖探靈窟

葛嶺憩初陽臺

搜奇徧湖山葛嶺漏不數挾輦穿桑林棲鳥亦同舉石徑  
吹秋香人影溼微雨向背列精廬木杪浮島嶼攀登獲壯  
觀下唾十萬戶遙岫圍長蛇湖江互吞吐飛揚鏐吹聲葉

底城郭古曖曖初陽臺仙人在何許丹井汚將竭衆生誰  
活汝一瞬小朝庭草根蟋蟀語

自靈隱登韜光

羣託靈光中水石敢逃世古木敷長陰廣殿百靈衛尊者  
孰非我豎指同初地鐘音盪如絲生天戀微曳側峰霄漢  
表梯級懸寒吹修篁夾蔽之幽幽積魑魅徑轉碧蘚枯壑  
峙白煙衣荒亭挽梅色娛坐西來意微陽澹江湖風闊雁  
成字孤襟合混茫醒客起梵唄

同石欽仁先絜先恪士尋富春山水宿桐廬逆旅明日易  
小舸上泝七里瀧登釣臺復還抵桐廬宿焉賦紀三首

初閒湖上蹤競媚江干景薄江千萬峰靈奇出人境掩暈  
翔煙籠染黛纖茸整歷歷開畫圖霏霏散綺錦紅樹銜青  
波縹緲蓬萊影手攬狎篷背摩盪天機永百里造仙都館  
夜吟魂警恍立漸西翁

袁忠節祠廬人祀

揖客相與飲嬾代爲鬼

雄忍對怒生癭照窗桐君山微冷壓衾枕

移舫翼長風曉翠浮銜杯買鱸具一飯雋味翹鱸材坐接  
秀嶺重澄江縈且迴聳霄螺旋門

山名

眩轉沿曲隈山腹

映微點屢瞥煩驚猜釣臺列東西造化故安排窮磴躋遺  
基但咽天風來傳壑啼畫眉晴漪鷗鳥開嚴公寫所樂謝  
生聲其哀變滅區中事悠悠負我懷趺石平如案題字殘



莓苔懸影萬象旁冥會以徘徊

投筇下絕壁酸脰憩祠屋殘陽有歸舟延頸戀幽躅暝靄  
破星芒巖巒逾簇簇中流遮神飆肌膚寒起粟釜漏不可

炊戰齒且瞑目二子橐駝坐

謂石欽  
仁先

哦句出飢腹吾曹天

所遺淚許波濤續依稀慟哭記騎魚水仙讀就託鐙火樓  
呼觴問糜粥臥數汗漫游江白夢猶綠

滬上偕仁先晚入哈同園

袖歸猶冷釣臺風散作燒鐙海氣紅閒過園林寄餘興銷  
磨殘照兩人同

意行又在落鴉邊湧現池臺一洞天綠樹成圍紅樹獨小

龍鳳精舍詩集卷一  
五十七  
風坐石世無傳

石欽有詠紅葉之句乙庵琴初仁先咸依韵和之余亦繼作

眼倒千旛旗幾濺龍戰血葳蕤象緯下不隨日影滅海冷紅霜飛神光無斷絕片片飄佛座寫經同貝葉

距靈隱二里許有隙地高竹環列濃翠成幄光景勝絕裙屐所不至獨仁先步循側徑偶得之游韜光還途復導余抵其處徘徊不能去追憶前賞補述茲篇

落影冷泉亭幽尋黃葉徑豁舒崖谷間風微煙霞定去人復幾許奧區初入勝鑿空獲竹塢交加衆綠凝陰陰肅帷

幕杳杳隔鐘磬  
蛺蝶坐過鳥窺籟  
合魂能聽盪愁波  
碧海寒照肝腑醒  
天私把臂人超世  
息壤賸

酬琴初漚居見寄用其韵

十日雲巖入指揮  
還迎海色撼幽扉  
方殷世難人猶在  
自養天倪道已肥  
屋底呻吟孤月下  
夢中風雨萬靈歸  
從來醉語成奇策  
莫舉蠶樽悟昨非

病山南歸旋失其子過漚相對黯然無語既還敝廬念吾友生趣盡矣欲招爲莫愁湖之游收悲歡忻聊寄此詩尋常寄興觸虛舟過子何期對楚囚於國於家成棄物爲人爲鬼一吟樓傳薪願緩須臾死把袂猶堪汗漫游我反



稱天韓愈說玄夫得及莫愁不

李道士視曾農髯疾於金陵醫院過宿夜談戲成二絕

裹飯居然問子輿拘拘造物那關渠下車偷指黃冠笑曾  
戀圍城寫篆書

狐鼠奔逃野兕狂當年死拒亦堂堂憶擎木印刀光下

政布

使銀印失去  
以木印代之猶映寒鐙涕數行

倉園歌席時游富春初還

園亭置酒菊枝閒箕踞聽歌妬小蠻煙髻雲鬟初月裏老  
夫又看富春山

陳善餘過話

頭顱影壁察霜髭結習書淫不可醫休校織兒南北史一

鐙留照許渾詩

君依宋本  
校刊許丁卯集

召北客彈箏者作數弄聚家人聽之

踏歌仕女散江城移夢承平寫此聲忽仰滿空風雨亂過  
師枕席不分明

別嫁朱氏從女還里

嬌啼千里隱垂楊形影依依更斷腸棄汝江舟飛曉角斷  
行零雁與南翔

顧端文公闡卷遺蹟

前明縱奄豎毒禍踰漢季政圯天維傾苟延復何冀涇陽

挺厄運闡道殉夙志學說衍孟軻小心獨樹義流風盪烈  
焰殲黨加以罪國亡才不亡重賴扶氣類遺卷想生平悠  
悠千聖寄今存人道誰但解仇制藝

明季遺老辛克羽遺像

疊山卻聘書頗挂士夫口先生師涇陽不屈與之偶知恥  
亦尋常世儒干老醜乃悟畫中人抱道固已久

顧曉亭刑部家傳題其後

地方自治非新說古有師儒道得民家傳分明關國故笑  
啼當日繫斯人

過翟孚侯



坊巷仍留山澤臞下簾賣卜得錢無腹中有語吾能解戰  
骨都藏太極圖

寓興

傍地雌雄醉眼邊四遮獵騎草黏天如今別立東西帝寄  
語圍城魯仲連

胡宗武翰林示倉園水榭酒集之作和酬兼寄琴初滬上  
去來江海首飛蓬閒及溪臺坐晚風分浴微寒潮欲上與  
懸孤恨月生東衣冠去國餘今夕歌吹留人有寸功轉徙  
瞻由相望地夢兄應記酒顏紅

別湘人劉叟

龍虎山詩集卷之十一  
江南孤客鬢如霜攬結裘裳憶故鄉  
南望陣雲低復起更無啼雁向瀟湘

晚眺

尋山竹杖擲埃塵依舊鍾山作主賓  
可憐橋畔波如鏡不

照佳人照偉人

復成橋上時  
有軍隊習操

夜坐

夜城笳角一絲魂纖月窺窗葉打門  
古事今情吞吐盡欲劉肝膈補霜痕

晚步溪岸

照面門前水歸逢減漲痕波寒魚自定風滿鵲來喧束影

新泥徑邀晴老瓦盆微傳籬落語拾杞飼雞孫  
杖外復成橋煙痕斷未消闌干爲枕處車馬去蕭蕭枯柳  
親朋影哀絃子午潮招魂迷故步山鬼入孤謠

長至

當年墳上影照酒萬峰前老骨違霜霰殘魂壓屋椽鷹鷂  
依郭出螻蛄上枝全日腳移人世拈髭自仰天

步月

禿樹垂垂立荒陂漠漠投增寒疏磬到生暈數峰浮鼠齧  
牆根石鳥殘溪上舟低吟微月裏成就一宵愁

十一月二十一日午至申酉之間有三日並出光芒四垂



龍溪詩集卷一  
昔原精舍言紹興卷一  
六十一  
熱亦加酷時方攜家人行園一傭立岸步徘徊瞻眺避  
去不告致未仰視失此奇景口占紀之

九日曾傳落羿弓忽成鼎足霸蒼穹癡兒那問黃天事去  
賀牆頭炙背翁

豁蒙樓晴望

倚閣晴開落木村千山骨立萬鴉翻壞磚井口生寒吹短  
草城頭蓋燒痕終古劫灰如未掃孤游心事與誰論冰湖  
一角嵌洲渚換對須眉日又昏

高等師範學校訪柳翼謀王伯沆不遇獨徘徊六朝松下  
蓋亂後不視此松七年矣

依山廣廈步寒晴訪舊餘飛鵲笑聲重撫孤松人世改不成龍去亦偷生

過中正街舊居

交蔭雙槐尙表閭乳鴉聲底響奔車十年池上低吟處應出先朝尺半魚

冒鶴亭解甌海權使入都過金陵詒以表章其地先哲諸撰箸碑刻賦此贈別

抱關錄錄更何求不狎魚龍狎海鷗乞食情懷天所鑒揚芬世業夢相謀英靈羅列成賓主文字流傳孰輩儔遺燼江城逢又別看橫孤雁點神州

望雪

入冬晴色弄奇寒  
溪水成冰井水乾  
回暖翻期三寸雪  
微傳天笑倚闌干

和宗武金陵歲暮次其韵

風光乘傳雜齊髡  
阿閣重重劍底魂  
猶羨敝裘尸合從  
祇邀鄰笛送朝昏  
汚塵鬢髮殘陽亂  
吐句肝腸寸恨溫  
爲客江南今更賤  
霜痕萬里隔修門

許苓西乞題文待詔畫卷

傳陰老樹擁琅玕  
亭子長留賦考槃  
借問何方娛獨坐  
無天無日不知寒



顧亞蘧自都至飲淮舫

九死重逢一呖餘魂依瘡雁散天墟陰符匿腹無人識低  
誦舟窗就煮魚

濟甯李一山乞題唐拓武梁祠畫像

莽莽數千載古物日摧剝金石失堅牢絹紙况脆薄傳有  
武梁畫荆川蓄唐拓冠裳雜器飾洪聶摹朱確輾轉歸秋  
盦馨冷蓬萊閣獲石紫雲山運開神靈躍嫁女任城李匱  
具喧麟角授受成掌故因緣迫冥漠厥後迷所主魂警賈  
胡攫一山振奇人歌吟伏海若述德寶舊物奔命以求索  
把袂翔國門端倪局捫鑰忱惕抱古胸躑躅循牆脚破寐

得楚弓喜溢涕欲落惜脫灰燼餘殘本披約略猶保四哲

圖天意終有託舊圖十四像今存十一而新說改家族人

紀慘飄藿教孝弭作亂度世不死藥血氣同尊親自聖懸

先覺期藏金字塔大塊一私橐五州震仰之光芒魑魅卻

道存非非想罪言償笑諾

哀劉好愚

老憊息匡牀親朋亂夢寐山阻江海迷飛音又傷逝好愚

偉丈夫神完骨峻厲胸中經國謨抱能斬未試退勞鄉井

役寸效見嗟異縮地贊長房屢竭囊底智登危游羿轂况

瘁程功歲擾擾潰成謀洵洵陷衆喙預戒製一棺趨死躬

殉易媿我詩酒汚束手瞠目視兵起脫破巢枯枝仰蟬蛻  
海市挈歌哭倒腸收氣類歸傍鬱孤臺味永楞伽字逃禪  
促爲鬼孰張烈士志世難益層疊南雲雜烽燧捍患失健  
者魂逐涕霑袂

送竈夕立春得微雨

冬晴百日天霄赤始仰微雨送竈夕年光銷擲輦鼓城春  
氣萌動苔蘚石轆轤寂寂香冉冉猶沿舊俗禮餞席神君  
面帝莫言事但乞滅蝻雪一尺

雪中魏季詞過宿敝廬除夕前一日還滬居贈別

一雪尋車轍三年隔酒卮飢寒成老味繼述有餘悲默誦



龍鳳新集卷之十一  
六十一  
楞嚴在孤蹤。魍魎知親炊。蛟蜃窟誰問。命如絲。

除夕得周印昆由張家口稅關寄詩和酬四絕

荒城角起燭初燒。斗柄斜簷對一瓢。忽仰帛書傳塞雁聲。聲聽入可憐宵。

一身萬里別三年。想得呵毫雪滿天。細字作行雜鳴咽。惜

花故事出鐙前。

君居湘達戊戌  
政變有惜花詞

我長落拓四立壁。公亦蹉跎反抱關。招隱恐無乾淨土。得錢煩買畫中山。

邊徼沙黃車馱移。指揮雲物照刀錐。遙憐舊俗人扶醉。念亂傷離獨撚髭。

戊午元旦放晴樓望作

草根微雪蝕無痕滿我樓欄血色暎佳氣浮山依故國幽  
憂改歲入孤尊霄黏鷺雁移眸斷塵隔豺狼齧骨喧一事  
豎儒非錯料看雲臥石謝公墩

遣興

舉酒觀棋日又斜庭梅起嗅兩三花傳雲疊鼓摧鈴語飛  
去城頭銜肉鴉

奉誦更生滬園守歲達元旦之作走筆和酬

一亭望作海三山採不死藥於其間運會遷流自喧寂神  
仙遊戲已飛還補天袖滿媧皇石媚影花供菩薩鬘下照

卿雲呈綠字欲騎老鳳接童顏

盆玩水仙

吐雨吞晴雁背天春陰輕織畫廊前斷腸魂匿涪翁案隔  
弟山礬更自憐

鑪火微微不上眉冷馨孤發睡魔知客喧羶位瞠無對笑  
指神人凝雪肌

西華門郊步

城闕生溫吹盤旋叢薄間風銜簫鼓落晴帶鳥鳥閒選坐  
前朝石飛光壓馱山有湫如破鏡曾寫舊容顏

更生於去歲六十生日滬上游舊置酒爲壽因繪九老圖



索補題一詩

新蜂照酒鵲呼廬洛社圖成聽雨初  
十九年歸公老矣三千界壞佛何如  
歷從絕島求靈藥獨獲微言證寶書  
回唾蓬萊清淺處盧敖把臂在空虛

上巳後二日攜家至鍾山天保城下觀農會造林場憩茅亭賦紀十六韵

春坼厲疫隨市廛動歌哭令甲懲襲染斷渡限征軸况飛戰伐塵壓境戲騎逐十口避無所被除仰穹屋怵惕皮爲災悲笳撼老禿風光銷沴氣萬象初在目熙熙誇婦子及喚養茸鹿並驅脫城闔湖瑩山攢簇夾道桃餘花晴翻錦

繡谷步尋合石色梯棧絕樵牧程功效橐駝矮松秀巖腹  
當年虎負嵎困鬥踐血肉俯閱幾興亡有碑忍卒讀懸影  
聚茅亭噓雲溼野服恟恍萬啼侵慘澹百靈蓄安得手長  
鐱牽攀斲黃獨

過徐中山王墓

游車滿濺殘陽色下踏廣場掃榛棘穹碑剝蝕粗可讀開  
國功名知第一絃管兵戈五百年虎踞江山尸盜賊欲呼  
魂魄起鞭箠宵騎石馬收八極荒荒祇對孤雲泣

哀鄭叔問舍人

抱蜀人呼老畫師稽天大浸更安之偶喧都市韓康藥上

接風騷賀鑄詞通德卜居增掌故南華玩世託支離蓋棺  
殉以窮愁味忍向吳門表五噫

君築室姑蘇通德  
里有第五句

宗武見過時方執役通志局

避疫歸來花片飛鬢邊海色散微微覓巢舊燕同留影照  
坐游蜂欲上衣低抑吟懷藏浩劫栖遲柱下數長饑吾儕  
卮酒臨天帝莫憶孤城萬騎圍

瞿止庵相國挽詩

江海青茫茫染夢別公地憑几督授橐寫印爲校字顏汗  
覆瓿作敢取溷寤寐留我耳中語嗚呼遂隔世公早擢侍  
從藉甚廊廟器乘軺歷方州具瞻風教寄楨榦收俊髦筐



篋絕輿隸召侮弄國柄蕭牆憂匪細 兩宮果蒙塵奔命

干戈際諸葛性謹慎密勿綜大計搢拄返蹕初再覩乾坤

霽澹泊平津宏調護鄴侯泌盡瘁帷幄間恩寵償狼狽聽

履巧射影初服依松桂臥起超覽樓

公退居長沙樓曰超覽

湘流盪

吟思運極劇秦坑懸喘窮海裔賤子亦流人故懽拾遺墜

談舌喟不辰引咎每含涕苟活接汐社老禿挈曹輩銷磨

壘塊胸壯公富新製蝸角一餉樂聚散已殊勢酣歌斷風

雨溫馨蝕蘭蕙矧交豺獸跡出沒靡寧歲撼痾釣游鄉波

道血泥漬村郭斥爲墟爾俛導吞噬陸沈終自決天誘欲

誰冀一瞑掬萬恨慘澹訴 先帝虛空真靈翔披髮當下

視有身憐後死賢達日相棄冷月漏蜃樓求索魂九逝  
攜家尋靈谷石徑格車不得進步行里許遂憩觀音寺瞻  
方石屏而還

戀續靈谷游晴雲一翹首婦孺躍相隨車塵蔽前後郭外  
衆岫出青蒼氣已厚斜趨犖确途筋骨撼陷白羣呻扶掖  
下野步迎萸柳霑寫嵐光新旁妬跨驢叟親鬢蘭若存入  
憩蒲牢吼佛堂課村童論語喧在口表立方石屏瑩膩敵  
瓊玖橫徑二丈強何年五丁剖俗書題賜履

石額題水晶品  
石屏四字章

署能  
賜履

疑汚好事手留刊中興頌瑰異追岫嶠慰情返亦佳

影雜魑魅走笑如風引船神山望中有

次韵答宗武枉過見詒

萬花無命更飄茵祇博啼鵲血染春中酒已迷摩足地寫  
詩來對斷腸人天南兵動鉏犂廢溪上風香艸木新漫笑  
我門誰肯屈

東坡有君視我門誰肯屈之句

比君清磬落筵頻

次韵宗武寓園卽興

一片晴樓過雁天長成宮柳欲吹棉飄歌尊隔盈盈水引  
睡爐分細細煙老去倍懷犀角弟因緣各了岳頭禪亂愁  
莫逐城笳起淚盡荒陵換樹鵲

瘦唐屬題所藏謝文節公小像

挂冠留句決安危一往江湖萬淚絲今更照天羞面目夢



中折柳謝公祠

奇骨疏髯故絕倫  
史遷同寫餓夫真  
心香曳作雲雷氣  
起世應添賣卜人

壽梁衆異母七十

出世通人接老成  
鏡懸母範九流傾  
大家誠換澆漓俗  
林下風安寤寐情  
駕海穹魚爲記取  
借枝雛鳳護飛鳴  
天倪自寫書聲屋  
戀燭紗幃太乙精

梁節庵師傅六十生日

往躋知非年獻頌  
代招隱迷離更十  
霜長髯欲白盡禹  
甸陷汚池八儒飄  
爲梗天遺狂疑士  
於世作贅癭望桑  
淚成

河種松癭成嶺吐腹干莫銑決盪萬魔境依光北辰下憑  
几頽而整說書聲動天深念餘耿耿綺角一旦爽千春羽  
翼影定命歲寒堂初噉媚羹餅

虞山紀勝三篇康更生王病山胡琴初陳仁先黃同武同  
游

### 破山寺

虞山蜿蜒如臥蛇膚體青熒艸樹盛升降英靈秀南紀控  
湖拱海專其勝迎旭竹簾緣陂陀好鳥揚音已滿聽常建  
句中破山寺結構果然幽且窈劈巖分流幻蹟存不改禪  
房通曲徑有恬二株桂株一各越千歲各瘦硬復繁古木

陰廣殿柯葉交加晝疑暝游侶蹴踏五洲歸

謂更

入座氣

與諸天定舊識老衲惜死去

住嚴持月霞上人善講經律今世之高僧也

未及

說法演大乘當年故相作逐臣扶杖屢至親鐘磬收拾家  
國一團蒲非懺非悟佛鐙映只餘題榜照煙嵐鴈鵠迴翔  
蛟蚪橫從來劫運銷靈窟縣縣神理初念印更逐黃蜂尋  
道場樵路藥香無究竟

藏海寺覽尙湖拂水厓劔門諸勝

躋高面平湖決滌魚龍水遠艇鷗點移帆影殘霞裏湖壩  
界畦田麥苗烘蓼蕊畫史量邊幅丹青浮一紙寺臨拂水  
厓長雷躍甕底風倒瀑爭飛四射萬流矢其旁劔門雄鋒



鐔石齒齒漫垂趾二分涎肉亦虎兕何年大力者蜀棧負  
趨此入堂爐香靜收視味法喜有僧參寥徒雅詠壓案几  
聊狀詼詭觀過與鳥翼比

逍遙游山館啜茗

小廊吐巖腹重重裹蒼翠城堞浮湖光市屋沈山氣擎椀  
霄漢間茗馨得微醉醉歸不用筇魂魄生羽翅

次韵答宗武見寄

火雲燒夢晝炎炎乾死螢留隔燕簾爲憶臨流待雙槳何  
如揮汗寫華嚴吟堂瞰醉山生眼潮郭飛涼雨照髯最許  
初臺能佚我

初臺在復成橋畔倉園內夜漁波底網新蟾

挽王完巢翁

使君爲政匹難兄當世爭歸長者名每以善心馴怒虎獨  
餘隱痛縱長鯨運移一息維忠孝道在羣流暖性情吟席  
酒場懸古貌懷賢惟有涕縱橫

壽蒯母李夫人五十

故人匡世九流學海國歸來息道山門戶孰持孤孰撫煢  
煢懿匹荷諸艱躬完苦行賓婚勞手授遺書子弟嫻待長  
梧桐添鳳影斟醪歲月爲開顏

病中作

腐腸暴下薄秋期內食陰陽鬼瞰之雲片常籠延息榻蟬

聲漸落挂魂枝如癡萬態紛相改敢死孤衷祇自知久斷  
囂埃沈戰耗臥呻臙寄太平時

立秋夕臥病見初月

朝聽禽聲夜聽蟲簾波開闔葉廊風秋星待釣如鉤月一  
髮涼痕病枕同

方兒省疾別入都

終昂羸骨鑑蒼穹夢抱鍾山一禿翁去接阿兄阿弟語扶  
衰孟粥有新功

向夕病臥聞鐘聲

幽幽丈室炷香清示疾餘光道不成默誦楞嚴今悟否浮



魂滯魄散鐘聲

曉雨打窗病夫煩解而成詠

夢醒飛雨已翻空  
鴉影雞聲聚帳中  
一味北窗初領略  
病夫得句付秋風

病榻逢七夕

雨底生秋樓觀涼  
挫鍼鐙火藥爐旁  
雙仙照笑銀河水  
乞引微潮浣此腸

答人問病狀

作魔藏腹安靈液  
脫死形骸隔飽餐  
合眼牀敷江海倒  
如絲魂氣月中寒

病初起

彌月孤呻蠅蚋間祇今宴坐視生還捲簾屋角鳩呼婦爲  
我雲成數疊山

候恪士不至聞亦臥疾海上占此訊之

傳札迎江造敝廬依稀同病海吹裾人生借臥十日雨神  
馬應能悟子輿

病起後始飯食

鳴釜飢腸絕甌塵癡兒能病又能貧秋堂一對家風飯還  
笑功成辟穀人

中秋夕看月

冷風改炎景卉木凋繁枝當夕流素月燦燦盈階墀羈鳥  
護故巢鳴蟲揚其悲病骸損氣力穿牖披餘輝湯餅應節  
候復陳瓜果爲起死保婦子安問止泊期皓首遘頽運顧  
影戀須臾歲時久止酒自媚揮一卮微醺循欄干蒼然南  
斗垂

病山同年和病中原作韵見示時值中秋於月下誦之復  
次韻卻寄

涼宵大月溪山上祇隔佳人共賞之忽度鶴聲收滿袖遙  
憐鵲影繞無枝養疴壞榻鬼神下送老殘編鐙火知攜酒  
煩招仙蜨去

君初秋游西湖遇太常仙蜨  
與漚尹仁先各賦小詞紀之



時

武昌陳翁六十偕老詩

樓觀連崢嶸盤石爲之基  
茯苓化琥珀託蔭蒼松姿  
開先念艱難人道每如茲  
陳侯倜儻士名績世所推  
起爲父母壽縷列危苦辭  
稱父炳南翁純德挽澆漓  
十二承家乏不給於饘糜  
出戶網巨鯉得錢供祖慈  
十三去學賈禦冬短後衣  
指爪裂見血裹創趨程期  
十八斥餘羨占肆甘守雌  
雜作逐什一旁誦書與詩  
未幾遘兵火轉徙支其危  
及兒競就塾歸督逾嚴師  
長者維陳侯天馬故不羈  
升秀舉孝廉快同摘頰髭  
又稱母氏賢食貧始于歸  
鹿車分劬瘁燕

寢禮無違就月繼編織拾杞救餒飢當年櫻沈疴齒噤魂  
氣離倚恍來好婦裳帔紅歲蕤援筆使書紙主方喻求醫  
少蘇視掌握徑寸一枯枝嘗藥疾若失共命神扶持侯旣  
試壯縣天南迎路歧板輿追聯翩指頌黔婁妻鑲鑠兩老  
人報以循聲馳亂作侯引去半菽遂厥私良才應時須復  
把江介麾有弟偕養志庭宇祥飈吹耆齡鍊憂患而心超  
險夷誨誠鼎彝重顏貌珠珞輝仰侯奮詒謀家範扶世規  
經綸活邦國道在能嬰兒淮流何舒舒鍾阜依崔巍和歌  
踞雙屨南極光芒垂

宗武還自海上示中秋夕月下新詠

支骨繩牀寂掩關響秋墜葉烏呼閒空懷騷客同醒醉賸  
有瘍醫數往還簾受微香新桂蕊畫生涼夢舊松顏憐君  
倚海擎圓月吟罷移輝六代山

鄭齋感逝詩卷題詞

各成名去復追還紙上如親故舊顏一事在天應墮淚暫  
無福命作殷頑

閱世都隨蓬蒿飛笑啼終古夢相依可憐禿管同鄰笛哀  
滿關山雁不歸

起疴始觀俞園

閉置移溫涼俯啄籠中雀鄰園桂欲花強步試腰腳當門



三兩株藟小孕香薄牆柳則扶疏颺絲列帷幕新竹騰長  
蛇出屋孰能縛陟亭帶原野煙嵐垂漠漠溪色青琉璃山  
光紫芍藥夾日萬象翻精眩營魄躍北望載鬼車長驅肆  
其虐豺虎連輩羣何地脫吞嚼防師遮江岸悲笳向我落  
病夫一腐儒憑檻還鑄錯

溪園

晴痕挂籬落十步望峰巔浮岸添秋水橫畦分野煙葵根  
眠瘦犬柳縫響殘蟬圍飯茅茨底微風笑語傳

宗武過話依韻酬見貺

蘭成留命客江關說劍虛堂不等閒裙屐故同梁燕散嘯

歌知狎海鷗還斷笳城郭飛兵氣雅步星河察酒顏作計  
尋秋邀點筆龍鍾負卻鬢邊山

次韻宗武感秋

泱泱層霾鬱未開雕鷹作陣眼中來早逢爭骨狺狺起漫  
許留皮脈脈猜餌誘金繒尸大賈夢迷雲雨異陽臺江南  
猶在蟬聲裏殘照低吟萬影哀

胡翔東避暑牛首山寺還示所得詩因題贈

人海掉頭去尋僧牛首山酒腸湔石溜詩膽出天頑瞰夢  
衆壑瘦懸吟清磬閒一琴聽猿鶴不忍負之還

雨後詠

乍歇溪上雨新涼迎鬢須香疎當戶桂秋落倚牆梧醜類  
猶蟠結虛聲老怪迂胡牀鼙鼓外時愛鵲相呼

登樓晴眺

疲鈍縛雙腳聽蟬初倚欄園籬瓜再摘巖壑磬先寒秋樹  
圍矛戟炊煙沒羽翰眼穿馳突騎塵亂夕陽殘

末指北軍  
南下驚擾

事

仁先西湖寄柬云重九前可相訪綴句奉報

不死貪重見初歸孰與親荷湖沽醉艇桂墅飲香人多難  
吟能救孤愁病愈真吾廬半規月留映笑啼新

長晝閒居



龍鳳樓詩集卷一  
昔月米全言集卷一  
久以病爲業今如失業人拂廊迎蝶舞止屋作烏鄰絲網  
迷晴葉鎗甌點細塵未堪攜杖去聞角欲成呻

秋夜

西風涼戶牖鐙火一瓢存秋滿斗牛夜吟藏蟋蟀魂隆汚  
安問道憂樂已無痕莫倚槁梧暝鐘音斷又喧

又步溪園

自誇癡作健踰闥又窺園眼有陰晴嶺手捫煙火村雨餘  
菰本壯波上桂香溫分我濠梁趣漁舟繫柳根

誦仁先爲義州李公孫題五嶽樓三字榜詩一篇本事頗

異書其後

夢識神仙字輝輝五嶽樓公孫增故事落筆接詩流誰住  
虛空界眞思汗漫游奇情迎幻景播盪海雲秋

飲豆漿戲成

安心卻病恐無功歌詠長連虎過風輸與豆漿滋氣脈黃

耆羹粥媿坡翁

東坡有黃耆煮  
粥薦春盤之句

聞鳩

林巒曖曖帶寒晴出樹鳩來屋角鳴一片秋霄鷹隼影莫  
緣喚婦上高城

恪士病愈自滬至二首

相見都爲復活人亭亭皮骨雜埃塵興來照影清溪上添

一漁竿釣錦鱗

徐翁竟返海棠巢  
重撫篁叢拂柳梢  
戀舊棲烏如告語  
養生亭有蓋頭茅

林詒書去都南歸見過二首

燕市塵汚淚點衣  
縱橫蹄跡萬鷹圍  
酒邊唱罷家山破  
夾岸旌旗看汝歸

師友堂堂望兩鄉

遊舊多居京師及滬上

數能來去寵壺觴  
悲秋誰

救相如渴裏飯應空  
海上方

聞濤園於滬居病甚君亟趨視

觀俞園桂花初開

迎門秋風香枝枝  
燦金粟蜂蝶不知尋  
一杖老夫獨步依



蛇蚓徑晴吹微息觸別株影婆婆培以涼萬斛將夕纖月生煙痕寫溪屋淹留欲懷人蛻世禪味足

次韵宗武秋夕書懷

江上聽潮非一朝驚逢斷角共飄飄疏林烏鵲銜晴出荒徑豺狼得食驕夜氣養鐙違對菊愁絲織句欲題蕉旄頭未落心俱死漫有寒螿百甕饒

攜家再觀俞園桂

秋枯花逾繁隔日披衣視飛笑隨婦子晴空飲其氣散風亭館浮流煙櫟竹媚倚溪帶魚鳥氤氲同微醉昔摩樊上株香傳典午世哦對謝陶桓手植今誰貴

龍虎山名詩集卷下

七十八

依韵和宗武見貺

老卻江湖落魄身  
長橋相望幾由旬  
早嗤甕盎懸如癭  
終棄榱桷伐作薪  
人物眇然談麈尾  
山河改後漉巾新  
閒宵苦竹聲堆屋  
吟雜秋蟲共笑人

黃生嬾雲松下小影其弟爲求題

松下少年琥珀氣  
死年十九演靈異  
此生作兄他生弟  
前水後水同一味  
棗香槐影魂闔開  
傳與世人隆孝義  
張圖

照出摩尼珠坐悟石根溼蒼翠

集香槐影句本其弟所述記云兄嗜棗余生時棗香

滿室所愛庭前槐兄歿亦遂枯死及余生復活

伯沆姑蘇還過話

汎溪酒舫微雨後重見追尋一回首石榴子滿桂馨流秋  
光不漏支離叟依稀問道訪王倪傾耳歸來面目黧獨隔  
飛鳴舊儔侶籠養尸鄉作木雞

黃峙青同年屬題李文忠致曾文正廿七通手牋冊

中興將相三四公天啟文忠繼文正當年勲績迭驅駕要  
竭智勇基篤敬末流人物稍衰歇運會亦失周宣盛旋幹  
乾坤又一時晚節猶堪誇後勁事往雄圖復安在祇博帝  
右痛梟獍黃侯破肆拾墨跡沆瀣兩賢依性命眼中綽約  
立人豪聯貫珠璣白月映我衰披視涕泗俱留誘健者起

考評



龍溪先生全集卷之十一

世一

次韵宗武園居雜興

臥負尋墩一往心長雲老雁又飛臨下簾自撥烹茶火搜  
篋曾無賣賦金明滅烽煙穿遠夢離披花草溼低吟鐙前  
羈緒誰能理滿郭西風飄夜碇

九日對恪士茗飲

溪山寂寂過重九閉關箕踞兩病叟遠寺微傳鐘磬聲吟  
堂對茗相媚嫵階前稚菊怯未放屋上閒烏晴自舞鄰園  
桂枝雖爛熳可憐避作風光主

恪士下榻敝園宅

憶昔登高海

上樓龐眉野服從勝流嘯歌蕩漾蛟蜃氣雲木參差鴻雁  
秋幾歲乖離負佳節涕淚况傾耆舊折

瞿止庵相國王萬  
完巢翁俱物故

國兵戈浩縱橫九霄氛祲且蟠結吾儕呼吸敵瘡痍緩死  
何顏尸養拙猶聞殘侶宿焦巖波上藤蘿缺月銜擎杯莫  
戀臨無地須汝開愁兼破睡

仁先書告偕海上舊游三四  
人於焦山作重九隔日過訪

下白

月夜遣興並懷焦山游客

夜半寒光漏千里下浸樓欄溼案紙風枝分挂一絲愁吹  
落鄉縣呻吟裏空中澹澹木樨香露襲厓柴止酒腸卻付  
幽人借僧榻蟲語江聲低復昂

次韵宗武九日游雨花臺歸酌淮榭之作

鍾山之麓溪流微柳陰桂影煙霏霏老我一榻失甲子逢

青廬詩集卷一  
辰不出天應非城南蕩蕩鬼哭地有客鵝鸛相追飛淮水  
釀酒不洗淚空扶酪酏照面歸

漚尹病山琴初仁先絜先自焦山至接語聯吟四宿而別  
賦紀十六韵

染寐江南山隔雲青未斷野飯盪車塵鬢側雁行伴相哀  
逃虛空戶外足音滿癘罷起絕倒光精溢孤館曖曖菊意  
存浮浮桂馨煖影事疊嵩華悲腸勾濯澣豈無攬勝區鞭  
追土牛嬾听夕抵掌席羣嬉寄枯管麗棟星辰飛幽局鬼  
神欵鏃利箭鋒值斤斲堊漫悍竊哂鼠搬薑儼爲雞伏卵  
情往濁世遺思狃太古誕十年老兵戈墜懽拾縫欸端恐



梁父吟且成廣陵散賢豪不常聚夢境嗅酒盃摩壘偃旂  
旗抱獨用其短

挽濤園四首

首夏翔海壖屢問維摩疾樓廊安藤牀絮語久未出臨分  
召輩儔截句睨把筆亦復哦七字落紙猶無匹引還移病  
魔延息藥香室太虛通嘖呻游魂對捉膝嫋嫋秋風深我  
蘇公已失伶俜起爲人仇欲鬼伯叱半歲覆三豪

兼謂瞿  
文愼公

王完  
巢翁

天伐操何術

巍巍文肅烈九土歸彥聖家有千里駒公才信後勁談兵  
裨闔場等閒樹佳政出補父兄處績並慶州盛照影東湖

漪豚韭察利病綢繆苞桑計鄭重流水令官閣百步廊休  
暇暝朋詠齟齬去臥虎坐縱狐貉橫至今談父老風度想  
輝映

咄嗟遘崩傾蠡起帕首徒禍伏肘腋下忍覩坐相屠擲節  
脫巖疆召援稽天誅雄圖銷厄運自撾七聖途狼狽穿巢  
窟對泣窮海隅其地流人滿躑躅互响濡稍稍勞酒食基  
槃縱歌呼大恨懸蜃樓天視焉可誣聊付蠻觸爭留作山  
澤癯

匏繫更歲年賃廡錯鄰巷辰昏袖吟紙叩關證背向公翹  
章檄手耽藝厲孤唱夙升蘇髯堂藻思贍而壯書勢亦勁

逸自適見真放耆舊續沙社文酒寄微尙据坐澹蕩人得  
公俱神王於余習父子揚激倒腑臟一瞬酣歌外尋泛青  
溪舫跣足欹風榻此樂謂天上世亂士益孤又死不可讓  
惘惘撫餘齡接夢海如盎

行園

霜斷秋噉溫涉園自成醉連軫滿菰苗晴煙盪青翠高葵  
半摧敗豆花紅籬際溪光詭擲人散落鳥聲碎循阡繞茅  
舍雜樹互虧蔽東家迎新婦張飲擁雲髻西家守病牀酸  
呻出溷廁風過塵冥冥咫尺哀樂異舉步察風俗書補坊

巷記



久晴逢雨

愆陽蘊沴氣疾疫不可禦萬方鋒鏑餘益連哀思苦蒼穹  
孰回幹一滴或活汝今晨交長陰木末蕭蕭雨溼階芙蓉  
披潤砌菊蕊吐佳聲几杖前琴意澹環堵散風靡旌纛破  
塊滋場圃冉冉林鳥還杳杳海鴻舉傷別損寤歌延賞缺  
清醕

和宗武曉起對菊

階前放菊小如錢雨過晴初亦自妍欲挽蝶魂殉盆鉢忽  
移雁唳滿山川落餐空記行吟地晚好私成共命年

退之  
鮮有

鮮霜中菊既晚  
何用好之句

公對南山寄籬下哈喇照酒更誰傳

熊季貞過宿贈其北行

鄉里佳少年勸學磨礪早十載嬰錮疾一旦起枯槁犯江  
止海隅訪舊獲意表吐腹儒墨蘊燒鐙供絕倒器業匹難

兄

謂其亡  
兄季廉

青眼速吾老北向風雲雜鷹高鴻雁小經過古

戰場但弔王保保

秋盡日陰雨

功成蜂蝶退鴉影帶殘秋獨倚絲絲雨初翻脈脈愁閒情  
天不忌老味世能仇屈指零霜霰尋梅杖白頭

次韵宗武偕過仇徠之倉園觀菊

遮眼車塵鬢髮疏攜過園館接郊居晚花自秀風霜外奇

服重逢夢寐餘一水銜晴魚逐隊萬方罷戰雁傳書邊愁  
不到看山處清景追摹落木初

冬晴游胡氏愚園

離離苦竹夾寒塘菊檻低噓石氣香迤邐陂陀封敗葉參  
差亭閣點微霜十年夢隔承平宴萬象晴翻嘯詠旁澆茗  
祇成穿柳去殘鴉殘客共斜陽

哭恪士三首

一榻易一棺來殉蘇公隄坐蛻聾僕手倚戶獨子犁

時福尹留

寓湖宅  
視屬橫

絡繹撫弟妹風湖入寒嘯安及拔鬼錄血淚非刀

圭子初脫沈疴訣我尋幽栖羸骨偶象罔中創取傾擠亭



亭覺後心翻如到死迷魂有山水痕所得面目鰲遺恨叢  
歛具孤筇未與攜

通籍背怙恃三釜痛靡及門戶存二難護妹宛依膝藹然  
孝友懷彌綸宦成日我索形骸外異同忘道術才行或脫  
略觀變許達識亂作荒徼歸身世移恍惚庶陶雖未能帝  
秦亦不屈策勳穿築地好事收遯迹終自惜羽毛竹林無  
俗物

喪亂不可回哀鬱散物表屢宿塔下廬輿舫伴窮討手種  
梅與竹千頃浮一島結鄰陳居士馨傳寤寐好稍稍就吟  
篇澹秀出天造平生躡簡齋餘輝奪其寶命爲後死人傲

我萬緣了

君絕筆詩有回首萬緣空之句

重尋添入眼魂氣溼墓草空懸

杜陵願來往成二老

周景瞻乞題端忠敏所贈汝陰鼎拓紙

法物斑斕萬景涵曾收汝鼎補叢談等閒落手興亡券一

片魂迷寶華奩

余堯衢同年章江送別圖卷子

川塗映叱離烽燧各呼吸魂縈接坐歡道存入林密會邁  
相公喪歎逝海水側公亦哭其私脫影羣盜窟崩圻初避  
逅百態併嗚咽當年枌榆鄉提刑公持節夙秉龔黃治期  
恢蕃嶠烈紛變綜綱紀孤惇煦濡沫濬湖波通源繕道石

戴轍從祖課士堂舉墜明經術閭井起謳吟仰項待公活  
忽有祆教獄縣令斃倉卒挺刃戶闥間血殷神父席空巷  
喧萬人讎得培而殛義憤無反顧公臨爲之泣浸尋出夷  
酋奉使勢煊赫羅織足紳衿章條恣附益維公迭抗議舌  
敝佐面折徐悟不可犯責難渙然釋廷臣習側媚移決理

官室曲徇素爰書連坐公竟斥耄弱走呼號纓紱皆欲裂

老守奮陳狀請代論如律

時沈乙庵方守南昌

公仍拂衣去功罪

成一別嵯峨滕王閣其下維船楫衣冠勤祖餞雲壑晦顏  
色孰窺休戚懷犬隨翔鳥暝畫手趙程輩萬景赴枯筆今  
開送別圖感舊猶歷歷章貢水上城世隔眇人物迹迷徐



孺亭夢染萋宏血佳暉盪惡氛忍傳故老說偃仰眩覆載  
留卷察海月生逢俱飄零何山掘芝朮

除日雪中書感

燭引簪裾酒氣中問天斫地意無窮四時分灑親朋淚萬  
劫能留老禿翁遠海微微春在水荒城莽莽雪吹風傳書  
寒雁迷人眼癡對瓶梅發小紅

始春初臺望鍾山餘雪

餘雪冠巖巒高高水上看笳音切雲起人語落溪殘釣穩  
魚痕長晴完雁背寬引春文石徑梅氣自生寒

雞鳴寺倚樓作

晴磴輝初服虛樓盪醉痕  
劃洲如縷水衛郭落鐘村  
逐鷺旗邊合羣峯雪後尊  
留窺窠底月井口出啼魂

正月十七日探梅俞園感逝成詠

紅豔藟初胎依然手植梅  
年年花滿眼湖海一歸來  
欄楯迷前賞風香寫獨哀  
魂兮尋月下應伴繞千回

翔冬示上元夜對月之作次韻奉酬

抱古向天語姚灣一士癡  
逢迎銜淚月飛出寫雲詩  
笛冷城頭客巢安葉底兒  
挂霄明寸夢過有羽衣知

雨花臺登山

霽郭開吾意孤尋瘞血崗  
放春茸短短翻野吹茫茫  
石顆

蛇遺卵濠園鼠養瘡難忘隨牧豎飛雨在殘陽

南城外劉氏廢園

度阡穿亂塚倒眼舊過園  
斥廢留枯樹追攀倚斷垣  
池魚吞石氣籬犬吠詩魂  
滿抱纖兒恨依稀故國痕

莫愁湖看雨

休蹄浮磬野溼鬢落髹椽  
半暝湖吹雨一痕山臥煙  
亂愁鴻雁底舊句虎狼邊  
對茗魂相語碁坪換歲年

游孝陵

穿郭趨斜徑晴雲片片逢  
春痕新草木巖氣隱蚪龍  
殘壁同遺璽孤亭到晚鐘  
古愁收載去仕女莫相從



同袁伯夔絜漪園觀梅

單車衝雨去花盛舊園池一徑曾扶醉三年得再窺香寒  
蜂避屐影好鵲存枝飄夢東風滿安知主客誰

鶴亭移監丹徒榷關來金陵邀酌水榭寫示雜詠十二篇  
抱關無一事坐領好江山歌誦歸能者英靈盡喚還古懷  
迷醉醒天運保癡頑偶過分魚炙傳詩溪水灣

乙庵七十生日寄祝茲篇

東南一儒霜髭髭曰無所爲無不爲臥起岑樓鉅海圍膝  
穿木榻嗟庶幾朝嘯暮喈聲嘯伊其學溘潏迷津涯包纏  
流略演孔姬寶書斷爛堆案窺葉乘洞籙究密微旁溢文

字酣歌詩光怪震發莊嚴持夏殷敦占周尊彝皆哆口哆  
惛且推賓從過者雜華夷絡繹問難決然疑芒乎據梧杜  
德機亦騁恢詭相諧嬉物論與之爲嬰兒往事騰踏前旄  
麾薄勤化誨哺瘡痍蔽埃歷塊駕安馳棄遺畏壘一拂衣  
大盜覆國舉踵隨九土幽晦霰集之竄居獨寐哀黍離挽  
日去倚魯戈揮光景破碎雷霆欺龍穴奔噬千蛟螭糾結  
搪撞乘孤危道尊歸來鷗鷺知吐納剛氣真宰垂芽腹寸  
穎撐天維有海終作精衛飛有山終獲愚叟移至人神凝  
物不疵民彝聖典交起衰久遠繫公益豪釐景風吹長貞

松枝

卞薇閣索題先大父光河中丞夜鐙課讀圖

名賢奮蘊鹽約略出母教功烈滿青史一鐙食其報卓犖  
光河公逸事寒榴照執卷機織旁樞牖影廊廟孤鶴培毛  
翮騰作九天嘯清文麗玉堂高勳聳雲嶠輝光浴中外籌  
策播入告歲月戀恩勤夢暖螢點耀寫爲宵課圖依依兒  
時貌尙書恢前謨諸孫並英妙傳家歷三世篋衍珍圭瑁  
裘裳翔漢濱毀室掠羣盜輾轉烽火間閭閻何由叫久之  
歸完璧摩撫雜涕笑天意非偶然留痕獎忠孝夙分通孔  
李世亂餘皂帽配命誦清芬邪詖莫能搖海尾一繩牀寤  
歌神所勞



病山成亡姬蘭嬰小傳題其後

吹帷蘭氣斷氤氲誦偈餘音不可聞  
差似學書兼學佛東坡海上悼朝雲

憐影盟魂護亂離善根慧業總成癡  
十年家國傷心史留證巫陽下視時

發九江車行望廬山

車音嗚咽大江前縮地勞勞問歲年  
一片匡廬揮不去來扶殘夢臥雲煙

清明抵西山上塚

阻兵臥疾負歸期扶策今爲上塚兒  
一徑餘花初脫雨三

年枯淚尙留碑雲風摩盪懸靈境巖壑低昂擁故姿癡對  
松林侵豎子栖鴉啼失夕陽枝

靖廬樓夜

靈峰俯招人老憊久乃至荒荒墓旁廬去住自移世拂拭  
網絲榻敢忘鼠銜淚暝色接江海眇然一身寄缺月生樓  
頭光浮萬松氣浸入蒼煙窟變滅盪層吹野水出蛙聲共  
我肝腸沸環環衆壑影漾漾孤鐙味竹叢把茗椀露下溼  
愁思窺廊夔魅空冷抱星辰睡

讀鄭蘇盦六十感憤詩戲和代祝

乙盦登七十蘇盦亦六十海濱成二老觴辰差旬日一樓

一天帝據之各無匹乙盦杜德機奇哀寄示疾蘇盦徇變  
雅騰吟如艸檄二子癡則同蘇盦益傲物不知老將至胸  
伏萬銳卒待世非棄世天護龍蛇蟄屋山垂海雲攬結溢  
渴筆傳觀助張目余年六十七

暮春過宗武

海尾江頭各自還車音繞郭覓溪灣倚牆花盡蜂猶戀隔  
院苔寒鼠亦閒放棹已迷桃葉渡讀書癡對敬亭山尊前  
老宿違摩腹唾落零晴斷雨間

馮蒿叟來遊余與君  
皆去白下未及相見

燕巢

舊燕銜泥繞壁廊巢痕上下暖斜陽將雛棲穩黃金屋影



斷東風五柳旁

浦口別印昆入都

揚子江聲日夜喧  
歷陽樹色暗郊原  
車塵千里春風道  
應溼襟前岱嶽痕

春盡日偶成

殘英枝上一痕春  
翠鳥依依惜別晨  
聞道花源無曆誌  
爲余銜贈避秦人

題程道存之罕出險圖

夜海微微一舸巡  
飛濤卷雪亂吟呻  
蛟鼉不敢吞奇骨  
放作神州學劍人

夢痕猶並雪山浮十九年餘一掉頭又託漏舟迷死所呼  
攜叢稿塞橫流

書無錫高老愚翁家傳後

紆鬱惠山旁中有隱君子承傳講學風刻厲飭倫紀一世  
騰萬囂禍亂愈弗止侈言匹夫責詭遇餘喪已先生瞑槁  
梧內證主靜旨道勝物不疵縣解畢老死兩孤抑何賢寤  
寐繇神理揚芬采曲儒薄俗甯獲此錢生契獨行立傳追  
范史吾衰美其文綴詠亦贅耳

壽許狷叟八十

世亂阨斯文八儒晦光采栖遯偶皂帽吟落尾閩海扶筇

猶獲歸湖山儼相待葑隄桂塢間婆娑一老在依依朋舊  
尊飛唾接欵乃元氣溼古懷觀生手承頰餘挂牛刀夢畏  
壘祝未改

可園傳易圖爲陳伯雨翁題

昔歲寄江南蒼舊瞻四五播吟往還徑筇袂互翔舞一瞬  
掃霆雹追憶指畫肚碩果可園翁望與鍾阜伍等身殺青  
作餘事紀風土雅故啟後生人師騷壇主挺立兵戈際其  
氣如龍虎隱几出商歌魑魅莫敢侮偶遭張籍阨破翳神  
爲弩天還讀書眼細字萬物睹憂患老學易證聖藥狂瞽  
悠悠姬孔情浹洽須眉古發蒙圖中人百代映談麈



庚申二月金左臨招集鍾山造林場余與馮蒿叟同車往  
會酒次主人出示新句和以紀興

雲片飛扶萬嶂東晴痕馳道破鴻濛橫斜麥隴吹煙碧高  
下花枝脫雨紅支遁買山同夙願橐駝種樹有新功樓欄  
對酒鶯傳句哦立寒陽兩禿翁

三月三日鶴亭自丹徒至攜同宗武公約伯臧及蒼厓上  
人汎舟秦淮夜還飲水榭與鶴亭別

牽瘳閉幽棲學誦闕章句盪寐豔陽辰桃柳亂紅翠佳人  
移京口調笑藹嘉會擁醉颺輕舠衫袂入融吹山光溼欄  
楯悠悠自成媚嶽僧咳唾底寫石影吾輩

上人於舟中  
爲鶴亭畫扇

昂今古情嬉春從辟世踏岸窺園館花畔出雲髻傳歌一  
水上星點爭明晦終宴千徘徊蒼然飄離思

暮春抵滬同大武伯夔子言游半淞園汎舟小溪作

海雨歇游氛天清樓閣曉勝侶挾俱出飛車疾於鳥郊原  
青茫茫晴煙籠未掃新園初挂眼籬下江流繞魔舞奪閒  
地猶留玩芳草層坡聳孤亭石窟穿窈窕把茗眺雲物人  
影棲木杪登降隨仕女寫我溪光好艇子趨鳧鷖殘陽滿  
懷抱回復迷所歷四照儼蓬島漠漠濠梁趣恢恢劫塵表  
餘興雜權謳忘歸不知老

四月既望過初堂同徠之移舸泝青溪抵太平橋而返

手挽溪風滿草堂喜逢小舸繫籬旁尋源波底出山影亂  
眼鴉羣翻夕陽蒼翠穿橋靈境換星辰垂野斷魂涼偷閒  
遺世無人覺微起鐘聲認道場

王編修澤寰偕族人篤余明經自廬陵遊江南攜示文信  
國畫像及手札墨蹟謹題其後

興亡細事耳人氣延天命吾鄉有文謝萬靡挽使正謝像

藏退廬

謂胡侍  
御思敬

竦瞻綴微詠二妙開圖幅奇表嵩華映附

上府理札出處痛執政作事信天去一語公自評錯落數  
百字肝膽寫豪橫我欲飲其氣吐以斫梟獍壓寐魔重重  
造劫萌非聖狼籍蹄迹間孤攀血淚迸



桂林李生乞題其曾大父次星大令所作山居圖長卷

嶠嶂靈奇萬笏山相望廬墓蝨其間宦成偶寫幽居勝終  
古高雲不可攀

負笈曾孫氣老蒼江南邂逅一傾觴駕鵝滿眼兵塵動應  
向圖中覓故鄉

六月十三夕徠之同年招同師愚宗武觴初臺看月

溪光澹相依晚涼欲無價逃暑二三子箕踞戀臺榭頑雲  
客不飛皎月吐其罅金波盪城闕艸馨襲蘭麝圍席雜雛  
鬢按歌媚初夜笛聲星河底棲鵲爲之下引杯吸山影捫  
腹峙嵩華吾曹狎喪亂氓虻視爭霸脫繩露地牛留味逾

啖蔗終取主人語天塹一釣借

主人言初臺之勢在遊舫爲復成橋所隔得避喧聒

清道人卜葬金陵哭以此詩

樓壁車廂反覆看海雲寫影一黃冠圍城餘痛支皮骨辟  
地偷生共肺肝中外聲名歸把筆煩冤歲月了移棺帶陴  
新塚尋藜杖滴淚應連碧血寒

### 贈汪社耆

崩坼亂喧呼有身復安寄片椽青溪上老益慕氣類憶溷  
鄂王城得子好兄弟不恤文酒污偷娛風雨晦興移九曲  
亭登降連數輩波江齧山根鐘響漏蒼翠子爲最少年捷  
撫陶桓桂喪亂積如髮瞬及易鼎歲長公促一瞑癡願瘞

烽燧子專持畫筆力與鹿牀配隻影天北南呵壁俟餓斃  
霜髯出海樓重見活鬻藝贈幅逾清遠魂開桃源記踵營  
梁節庵紀香喪風義在殘世古來獨行傳於子足流涕  
癖嗜誘題詠今昔肯相棄差攄惡懷抱硬語動長喟

爲甘翁題非園圖

有地甌脫海之角蒙龍草樹雜花藥依徑廊亭茅蓋頭待  
月生東日西落晨夕步尋半吾黨聽鳥聽蟲微籟作主人  
好客通性命每至圍坐傾觴酌搏控煙霞縱談詠醉頰飄  
髯映林薄從知大俠隱闌闌能外形骸自行樂十年烽燧  
照禹甸縮手安閒散腰腳分作遺民娛老鄉天假奧區萬



靈躍

半淞園坐雨柏夔重伯壽丞及兒子方恪同游

百日重尋醜石存芙蓉照水柳當門  
蜨招羣屐迷荒徑蝸篆亭臺認舊痕  
亂葉鳴空羣籟合晚江撼坐一襟尊  
秋堂對茗園寒雨遺世魂依犢鼻褌

重伯爲人索題畫梅於談坐口占寫其上

公孫持軸促留題如翅之雲覆墨池  
我有愁絲絡鼇極餘絲風翦挂梅枝

題湘上熊翁所畫卷子

甲兵十萬據胸中未預銘鐘畫閣功  
閒寄禿毫吐奇氣墨

痕猶欲溼鴻濛

郎君儒雅亦談兵  
手澤摩挲念老成  
莫忘圖中破茅屋  
劫灰飛盡待歸耕

爲劉健之題所藏蜀石經

殘遺蜀石經收聚  
十獲五勤搜兼巧  
遇彼蒼眷嗜古流  
傳閱百年藏者可  
指數踵觀盛師儒  
證辨析絲縷鯁生  
安置喙瞠視屢起  
舞尤幸邀天章篆  
畫出沖主雄姿走  
螭龍奧雅胎石鼓  
劉侯爲發篋光氣  
爛庭戶方將卻魔  
魅復旦萬物覩守  
闕留伏申待訪孰  
與伍題余堯衢同  
年倦知山廬圖

世亂占遯爻入山斯可喜况守先疇舊廬墓聚於此往歲

竄海角相公對拊髀

瞿文慎公

餘羨倦知翁劫罅伏鄉里出誦

唱酬作益驗隱居美有地奧而曠繁花竹榿梓上冠霞峰

臺下環玉帶水閒身雜豚犢課耕供祭祀何堪變愈亟殺

聲沸兩耳翁踵作流人曲江已前死跼蹐庇一椽吟鬢換

星晷眼穿不獲歸烽燧暗南紀飛夢亦吹殘慰情留畫紙

汪生筆奪真臥起墨痕裏吾儕等飄梗有命篤行李期呼

織屨仙迴戈雪國恥

石齋逸詩遺墨冊閩人林研忱乞題

文山晚有吟嘯集盡出拘囚及絕粒嗟君此卷與之同天



挺人豪肺腸一發源兵敗誓九死延喘從容仍把筆八十  
二章追詠懷書勢官奴句晞髮平生道義貫多藝詩示鬼  
神想當日

卷中有哉詩  
示鬼神之神句

光芒寒膽聲動心傳使百世懦夫

立

伯藏歲前自里居還餉以南豐橘頃于役姑蘇復寫寄見  
懷之作偶占酬之

來去扁舟鳧鷖趨酒痕霜氣照江湖新吟欲比南豐橘疊  
沁肝脾起老夫

文書引睡那關渠山尾溪頭枕簟如鄧尉尋梅魂路斷牆  
根自撫不材樗

初春過倉園啜茗初臺賦示主人

飄袂來尋梅，藟紅池頭亭角起。春風巖巒層累銜晴出步。

屨依稀入畫，同隔茗長橋，廢跛鼃迴香一水。照驚鴻

主人教曲

女弟子曰驚鴻適來游

歌懷坐接南朝夢，輸借絲竿作釣翁。

蒿叟游白下三宿返滬次和其留別之作

甕虀了我青溪曲，魂夢層層寇盜侵。乍得老成推倚伏，盡收寒餓雜呻吟。荒城開闔悲笳語，奇服低垂惡木陰。一喙從公探四印，移情海上接聽琴。

初堂歌席戲爲二絕

十樹穠桃壓鬢纔似花，人費蜨兒猜看看。寫影春鐙底飛

滿歌聲水上臺

恍接神人下紫鸞曾攀福地住仙壇一襟猶帶千巖氣飄

落尊前作夜寒

坐間有雖喜尋名  
勝頗爲述遊蹤所歷

花朝譚翰林重讌初堂賦以紀興

盡坼名園滿意花重尋石徑日初斜溫馨融吹爭翻蜨光  
氣籠霄欲避鴉別院繁鐙懸粉黛一宵沈醉亂琵琶江南  
留得傷春地莫放邊愁落臂紗

壽何詩孫翁八十

當代老畫師故家奇男子吐胸萬邱壑費盡溝婁紙向騁  
儒俠場物望籠都市不污後車塵青霄一鶴起徜徉履却



餘孤尙緘骨髓昏旦促能事高價掩衆史自晒救飢耳道  
貫養生旨酒坐映方瞳談舌溢詠詭取證髯蘇詠神完中  
有恃會看百歲翁潑墨添海水

宗武示過小院看牡丹之什和酬

層層光氣接飛翰月底風前祇獨看薄帶煙痕園作暈分  
黏香夢自生寒誰尋靈谷隨蜂蝶爭戀倉園照鳳鸞

靈谷倉園

牡丹皆盛倉園  
尤多歌伎觀遊別趣孤襟餘此客解償俊句倚闌干

四月朔同蔡師愚仇徠之挈艇子尋青溪

閒坐初臺愛柳林親操短棹遂幽尋半灣新漲飄英合數  
疊蒼山落照侵銜寺嵐光穿笑語臥橋塔影帶晴陰面墩

更脫吹笳地一接源頭溼夜吟

送文九移居天津

憶挾阿兄過問津停車旁睨國無人卅年歌哭憑重覓萬  
影侏儒與作鄰撼海長鯨迷出沒處禪羣蝨自昏晨蟠胸  
干莫終飛躍爲割層波濺虜塵

壽汪憬吾六十

橫流蕩蕩映行吟獨慕尋碑鉅海陰畫策精魂輝吏牘著  
書聲價滿儒林萬梅花觀飛仙影三秀才歌烈士心扶樹  
人綱歸自媚南雲窈窕護彈琴

段伯屏乞題戎服小像

江南對酒柳搖城弄影當年隔阿兄老去夢魂呼殺賊佩  
刀身手尙崢嶸

喋血邊城虜騎橫祇餘將帥坐論兵復生髀肉休回首臥  
聽秦淮打槳聲

初秋夕詠懷次和宗武

蒼天已死立黃天送老鼃聲又十年九逝騷魂當月落萬  
方兵氣動秋先星河寫壁生圖畫風葉喧階自管絃莫睨  
鍼樓妬兒女賣癡木榻亦將穿

用韻答宗武秋夜集初堂坐客爲說鬼故有末句

投山歸鳥與銜晴搖蕩秋光柳岸清魂夢疊爲溪漲沅鬢



眉低映酒波明偶依近局尊閒味贏得哀歌託後生  
鐙底都成新鬼世殘宵弄影一含情

八月十三日會葬恪士西湖吉慶山

懸淚三年成覓汝猶及撫棺依佛所須臾邪許響荒山  
漆光搖搖濕寒雨夙收靈氣指埋骨臨穴四擁巖巒舞  
我老亦無世可託偕亡羨此一抔土月夜魂出唱新詩  
艸根和以蟲聲苦更待拱柏啼翠羽

雨中於北高峰下謁瞿文愼公墓

靈境斜趨細雨中山形墓道峙穹窿碑前郭帶魚龍水  
木末鐘飄鷹隼風亂豎披狂仍累歲吟朋散落益思公孤彈

裴涕寒雲裏魑魅如窺萬竹叢

法相寺樟亭

劫末重過撫一亭雨中漏入萬峰青  
蚪枝歷與雷霆鬥驚蓋餘邀罔兩停  
游侶飄零兼死去老懷鬱勃遂沉冥  
天留把臂牽腸地壁記猶堪照數星

中秋雨霽讌集劔丞宅夜汎湖還蔣莊舟中看月

佳辰歇淫霖渡湖訪城闕濟濟君子堂  
半爲夢中客新舊洽談諧聯詠淹至夕  
微醉寄孤艇巨浸浮涼月峯氣吐氤氲  
水怪眩出沒大千瑠璃盆浩浩風露積  
余情閱生死對此洗肝膈塔影倒樓居  
回顧三潭月

登丁家山康氏別墅訪主人不遇

移舸依山根履級凌縹緲湖陰匿奧區懸徑羊腸繞下上  
勤穿築精廬寄霞表闢圃設亭臺卉石皆可寶儼彼神鼇  
背文理鏤妙巧飄睡天風秋雲物示鱗爪足底泱泱水羣  
巒擁奇矯主人籠萬有道欲一壑老嘯歌盪虛空銜酌親  
飛鳥孤攀隔提攜我亦贅蓬島

舟過劉莊感賦

沈沈萬象出樓臺日氣初懸金碧堆避暑阻兵眠食地忍

尋斷夢一人來

癸丑夏偕子大格士留宿及兩月今格士已故

蔣莊樓居一首



聽雨宜宵寐看雲得曉晴殘荷猶出漲叢竹自飛聲塔勢  
驚雄直山光已滿盈一樓誰主客題壁護芝瑛

此本名廉莊爲廉泉

吳芝瑛夫婦所居今歸蔣國榜

南湖月夜有懷仁先京師

臥看大月吐峰頭湖水空明一片秋苦憶微風涼露底殘  
宵對影在孤舟

尋勝誰爲攜手人我來君去隔昏辰酒邊寫塔南湖月分  
映埃塵折角巾

琴初貞長劍丞過湖居偕往看桂花滿覺瓏遂至理安寺  
盛秋故侶臨湖壩邀觀十里傳馨桂巖巒回複煙嵐消一

徑交花滿晴吹墳頭兩株異枝榦蕤毼丹蕊瓔珞細止簷  
仰面眩眼目光景醉人尤物最深入艸木皆佛性斷續溪  
聲初引睡俄驚枌竹上穿霄十年重認午眠寺寫經作塔  
諸天寂竄影入林飛翮避遺基補築松巔閣圍帶列屏蓄  
山氣二客病跛阻攀登

謂劍丞  
貞長

坐聽寒滴覓新句別僧飛

翠溼日腳微笑已得西來意

壽林畏廬同年七十

蒙叟列至人又獨稱才士先生墨者儒道術在於是顓顓  
以盡年抱古洩文字細繹百國書爲醇醺萬類橫流插壇  
坵強聒尊孤寄餘技包憚王好手亦樹幟穿限應求者得

錢活親懿自詭食其力嗚然驕一世今歲試腰脚投杖窮  
海滙雁蕩瀑嗽腸播吟副好事私怨不過我顏鬢揣夢寐  
隔酒倚槁梧忘老枕中祕  
爲張仲炤丈題梁公約畫松

鄰園二古松歲必數臨視挺出挂雲雨蒼蚪互擎臂塊然  
立其下嘯詠蛻濁世邂逅主人歸偕賞益瑰異暝色合形  
影恍惚生哀吹依攀對偃蹇忝爲天所棄梁生筆奪真猶  
溼清高氣求蹤萬物表茫茫與之配

哭喻庶三

垂老相望先我死更誰墜緒探船山卅年氣類期聞道八



表氛稜爲改顏忍問海涯流愷悌祇今俎上寄癡頑南朝  
臺觀鴻飛處憶泣興亡挾往還

林詒書自京師至攜登掃葉樓

看徧西山紅葉來江南霜氣靜樓臺閒驅疲馬尋鐘起晴  
拂羣鷹倚檻纔堞影參差浮積水車音迤邐盪長雷寒圍  
高竹茶甌潔殘客猶邀萬壑陪

陳述猷乞題瞻麓圖

昔客瀟湘歲月久紙上陳人相與友佳日閒尋門外山蒼  
蒼嶽麓絕埃垢愛晚亭抱赤沙湖一徑楓葉寒泉吼幾回  
夜宿雲麓宮盪出鐘魚摘星斗棄擲飄流那可道挂魂木

末猿猱守陳侯舊是耕山人况繫廬墓依林藪從軍學仕  
三十年老活江南柳生肘敢忘父子飲泣處上塚還家心  
語口大亂屢作墟井閭血肉蹂踐燧燧厚祠屋依稀寧虎  
踞草樹披靡妖狐走寫圖寄憤益寄癡溼寐嵐光猶落手  
游胡園觀菊

山郭滿秋光興懷訪園菊廊廳列層層綴枝絢金玉四照  
動寒籟霜露氣初肅擁隨譁仕女衣鬟微馨觸憐取遺世  
姿題品屬萬目栖烏窺茗坐水石銜晴旭旦暮餐落英癡  
對風吟竹

携家觀農事試驗場還憇鄰校六朝松下

城根吐廣場偕尋忘南北碧草連無垠日氣翻野色籬落  
轉花徑叢菊自成國方塘鵝鴨喧圈牛雜白黑暖風流未  
高萌穎待滋息學稼通化工茫茫呼后稷隔泥古松在摩  
撫撥荊棘離披倒山影挂枝梧寫墨承平題句處魂痕不  
可拭車音盪長牆飛唾接歸翼

十月十四夕蔡師愚召集初堂玩月

水上孤臺風露清柳林曖曖月臨城一痕魚沫初沈網數  
點鴉窠對倚楹俄亂花光纏酒氣聊移世變入閒情歌彈  
歇絕披衣起門外橋頭落雁聲

步月溪上



寒月滿溪水行吟僻更幽峰巒依郭曙艸樹映波浮鐙出  
撈蝦岸煙籠射鴨舟鼾聲茅舍底顧影復淹留

閒居偶成

階下芙蓉花已繁列盆晚菊亦翻翻風輕日暖擎甌坐留  
得蜂房長子孫

晴翠疑分郭外山孤松散葉影爛斑摩挲左肘雞聲裏世  
上無人解閉關

挽嚴幾道

死別猶存插海椽救亡苦語雪鐙前埋憂分臥蛟蛇窟移  
照曾開蟻蠓天衆噪飛揚成自廢後生霑被定誰賢通人

老學妨追憶魂溼滄波萬里船

庸庵尙書寄贈見懷二律依韵和酬

敷坐同殘衲題軒欠此君

山谷有題元上人此君軒之什

鄰園閒倚杖溪

水自成文懷舊懸天壤飛吟破海雲寒陽輝几榻鶴唳已能分

湖上墓旁屋傳聞修水筒尋幽一筇雨吹夢萬山風收取英靈去銷磨醉醒中放梅樓閣曉應戀北枝紅

除夕作

屋山壓雪對寒氊旗影笳聲酒醖前方盼泥乾綠螻蟻坐聞風急逐鷹鷂爐煙欲合瘡痍氣切運移支老諄年爲憶

YORK UNIVERSITY


JUN 1 / 2001

EAST ASIAN STUDIES

二雛羈絕域長饑誰挂杖頭錢

散原精舍詩續集卷下終





YONK UNIVERSITY

JUN 27 2001

LIBRARY

THE UNIVERSITY OF YONK



